



5

水經注釋卷二十六

仁和趙一清誠夫錄

泲水

巨洋水

淄水

汶水

濰水

膠水

泲水出琅邪東莞縣西北山

大弁山與小太山連麓而異名也引控衆流積以成川

東南流逕邳鄉南南去縣八十許里城有三面而不周

於南故俗謂之半城泲水又東南流左合峴水水北出

大峴山東南流逕邳鄉東東南流注于泲水也

東南過其縣東

東流水左與箕山之水合水出東諸城西箕山劉澄之以為許由之所隱也更為巨謬矣其水西南流注于流水也

又東南過莒縣東

地理志曰莒子之國盈姓也少昊後列女傳曰齊人杞

梁殖襲莒戰死其妻將赴之道逢齊桓公

朱氏謀埠箋曰列女傳作

莊公此云桓公字之譌也

公將弔之杞梁妻曰如殖死有罪君何辱

命焉如殖無罪有先人之弊廬在下妾不敢與郊弔公

旋車弔諸室妻乃哭於城下七日而城崩故琴操云殖

死妻援琴作歌曰樂莫樂兮新相知悲莫悲兮生別離

哀感皇天城為之隳即是城也其城三重並悉崇峻唯

南開一門內城方十二里郭周四十許里尸子曰莒君

好鬼巫而國亡無知之難小白奔焉樂毅攻齊守嶮全

國秦始皇縣之漢興以為城陽國封朱虛侯章治莒王

莽之莒陵也光武合城陽國為琅邪國以封皇子京雅

好宮室窮極伎巧壁帶飾以金銀明帝時

朱氏謀埠箋曰後漢書是

章帝此云明帝字誤

京不安莒移治開陽矣流水又南袁公水東

出清山尋坤維而注流流水又南潯水注之水出於巨

公之山西南流舊塌以溉渚田東西二十里南北十五

里潯水又西南流入流流水又南與葛陂水會水發三

柱山西南流逕辟城南世謂之辟陽城史記建元以來

王子侯者年表曰漢武帝元朔二年封城陽共王子節

侯劉壯為侯國也

全氏曰索隱以為屬東海而善長曰城陽此從史表

其水於邑

積以為陂謂之辟陽湖西南流注于流水也

又南過陽都縣東入于沂

流水自陽都縣又南會武陽溝水水東出倉山山上有

故城世謂之監官城非也即古有利城矣漢武帝元朔

四年封城陽共王子劉釘為侯國也

全氏曰按本表曰東海而善長以為

城其城因山為基水導山下西北流謂之武陽溝又西

至即邱縣注于流流水又南逕東海郡即邱縣故春秋

之祝邱也桓公五年經書齊侯鄭伯如紀城祝邱左傳

齊鄭朝紀欲襲之漢立為縣王莽更之曰就信也郡國

志曰自東海分屬琅邪闕駟曰即祝魯之音蓋字承讀

變矣流水又南逕東海厚邱縣王莽更名之曰祝其亭

也分為二瀆西南出今無水世謂之枯流一瀆南逕建

陵縣故城東漢景帝八年封衛綰為侯國

一清按史漢表俱云景帝

六年侯注云王莽更之曰付亭也流水又南逕建陵山

西魏正光中齊王之鎮徐州也立大場遏水西流兩瀆

之會置城防之曰曲流戍自戍流三十里西注流水舊

瀆謂之新渠自厚邱西南出左會新渠南入淮陽宿預

縣注泗水地理志所謂至下邳注泗者也經言於陽都入沂非矣流水左瀆自大堰水斷故瀆東南出桑堰水注之水出襄賁縣泉流東注流瀆又南左合橫溝水水發瀆右東入流水故瀆又南暨於竭其水西南流逕司吾山東又逕司吾縣故城西春秋左傳楚執鍾吾子以為司吾縣王莽更之曰息吾也又西南至宿預注泗水也流水故瀆自下堰東南逕司吾城東又東南歷粗口城中粗水出於楚之粗地春秋襄公十年經書公與晉及諸侯會吳于粗京相璠曰宋地今彭城偃陽縣西北有粗水溝去偃陽八十里東南流逕偃陽縣故城東北地

理志曰故偃陽國也

一清按漢志楚國傳陽縣故偃陽國蓋以傳偃字異故班固申明之

續志亦以為傳陽而劉昭又引左氏傳及杜預註以實之今注直改傳陽作偃陽也春秋左傳襄

公十年夏四月戊午會于粗晉荀偃士匄請伐偃陽而

封宋向戌焉荀罃曰城小而固勝之不武弗勝為笑固

請丙寅圍之弗克孟氏之臣秦堇父輦重如役偃陽人

啟門諸侯之士門焉縣門發聊人紇抉之以出門者狄

虎彌建大車之輪而蒙之以甲以為櫓左執之右拔戟

以成一隊孟獻子曰詩所謂有力如虎者也主人縣布

堇父登之及堞而絕之墜則又縣之蘇而復上者三主

人辭焉乃退帶其斷以徇于軍三日諸侯之師久于偃

陽請歸智伯怒曰七日不克爾乎取之以謝罪也荀偃  
 士句攻之親受矢石遂滅之以偃陽子歸獻于武宮謂  
 之夷俘偃陽妘姓也漢以為縣漢武帝元朔三年封齊孝  
 王子劉就為侯國王莽更之曰輔陽也郡國志曰偃陽  
 有粗水粗水西南亂于沂而注于沭謂之粗口城得其  
 名矣東南至胸縣入游注海也

巨洋水出朱虛縣泰山北過其縣西

泰山即東小泰山也巨洋水即國語所謂具水矣袁宏  
 謂之巨昧王韶之以為巨菴亦或曰胸瀾皆一水也而  
 廣其目焉  
一清按胸瀾之瀾亦作溷元史王磐傳李瓊  
 素重磐以禮延致之磐亦樂青州風土乃買

溷河之上題其居曰  
 鹿菴即胸瀾水也

其水北流逕朱虛縣故城西漢惠

帝二年封齊悼惠王子劉章為侯國

一清按史表章地  
 以高后二年封

理風俗記曰丹山在西南丹水所出東入海丹水由朱

虛邱阜矣故言朱虛城西有長坂遠峻名為破車峴城

東北二十里有丹山世謂之凡山縣在西南非山也丹

凡字相類音從字變也

一清按丹古篆作  
 凡故與凡相似

丹水有二源

各導一山世謂之東丹西丹水也西丹水自凡山北流

逕劇縣故城東東丹水注之水出方山山有三水一水

即東丹水也北逕縣合西丹水而亂流又東北出逕洳

薄澗北洳水亦出方山流入平壽縣積而為渚水盛則

北注東南流屈而東北流逕平壽縣故城西而北入丹水謂之魚合口丹水又東北逕望海臺東東北注海蓋

亦縣所氏者也一清按漢志北海郡平望縣侯國續志無之蓋東京省范史和熹鄧后紀有平

望侯劉毅章懷注云平望縣屬北海郡今青州北海縣西北平望臺是也一名望海臺注無平望之目而云蓋

亦縣所氏可為疎鹵矣亦見此篇注尾

又北過臨胸縣東

巨洋水自朱虛北入臨胸縣熏冶泉水注之水出西谿

飛泉側瀨於窮坎之下泉谿之上原麓之側有一祠目

之為冶泉祠按廣雅金神謂之清明斯地蓋古冶官所

在故水取稱焉水色澄明而清冷特異淵無潛石淺鏤

沙文中有古壇參差相對後人微加功飾以為嬉遊之

處南北邃岸凌空疎木交合先公以太和中作鎮海岱

余總角之年侍節東州至若炎夏火流閒居倦想提琴

命友嬉娛永日桂筍尋波輕林委浪琴歌既洽懽情亦

暢是焉棲寄實可憑衿小東有一湖佳饒鮮筍匪直芳

齊芍藥實亦潔並飛鱗其水東北流入巨洋謂之薰冶

泉又逕臨胸縣故城東城古伯氏駢邑也漢武帝元朔二

年封菑川懿王子劉奴為侯國一清按索隱曰表在東海考漢志東海有胸臨

胸屬齊郡東萊亦有之然則未知東海應劭曰臨胸山

是東萊之誤抑臨胸乃胸縣之訛也一清按胸是山名又是水名縣名臨胸以城臨側

名也一清按胸是山名又是水名縣名臨胸以城臨側之故耳漢志注引應劭曰臨胸山謂臨胸側胸山也

非以臨胸為山之故縣氏之胸亦水名其城側川臨胸名也善長誤矣

是以王莽用表厥稱焉一清按漢志齊郡臨胸縣莽曰

厥稱竊其城上下沿水悉是劉武皇北伐廣固營壘所監胸此無監胸之名而云莽表

在矣巨洋水又東北逕委粟山東孤阜秀立形若委粟

又東北洋水注之水西出石膏山西北石澗口東南逕

逢山祠西洋水又東南歷逢山下即石膏山也山麓三

成壁立直上山上有石鼓鳴則年凶郭緣生續述征記

曰逢山在廣固南三十里有祠并石鼓齊地將亂石人

輒打石鼓聲聞數十里洋水歷其陰而東北流世謂之

石溝水東北流出於委粟山北而東注于巨洋謂之石

溝口然是水下流亦有時通塞及其春夏水泛川瀾無

輟亦或謂之為龍泉水地理志石膏山洋水所出是也

今於此縣唯是瀆當之似符羣證矣洋水又東北得邳

泉口泉源西出平地東流注于巨洋巨洋水又北會建

德水水西發逢山阜而東流入巨洋水也

又北過劇縣西

巨洋水又東北合康浪水水發縣西南嶼山無事樹木

而員峭孤峙嶺屹分立左思齊都賦曰嶼嶺鎮其左是

也康浪水北流注于巨洋巨洋水又東北逕劇縣故城

西古紀國也春秋莊公四年紀侯不能下齊以與弟季



大去其國違齊難也後改曰劇故魯連子曰胸劇之人  
辯者也漢文帝十八年別為菑川國後并北海一清按

云北海國建武十三年省菑川高密膠東三國以其縣

屬但前漢志菑川有劇北海亦有之此是菑川之劇非

北海之劇也漢武帝元朔二年封菑川懿王子劉錯為侯國

王莽更之曰俞縣也一清按漢志菑川首劇自是王國

都不應以封王子班固于此縣下

但曰莽曰俞而北海之劇註云侯國疑錯所封在北海

善長混而一之非矣菑川國治之劇在壽光縣東南三

里亦曰劇南城春秋時紀國地城內有臺俗曰紀臺城

者是北海之劇在昌樂縣西北後漢時此劇廢省而移

北海郡治菑川之劇也城之北側有故臺臺西有方池晏謨曰西

去齊城九十七里耿弇破張步於臨淄追至巨昧水上

僵尸相屬即是水也巨洋水又東北逕晉龍驤將軍幽

州刺史辟閭渾墓東而東北流墓側有一墳甚高大時

人咸謂之為馬陵而不知誰之邱壟也巨洋水又東北

逕益縣故城東王莽更之曰滌蕩也一清按今本漢志

史劉盆子傳有王莽探湯侯田况章懷作探陽亦誤也范

注曰王莽改北海益縣曰探湯是也晏謨曰南去齊

城五十里司馬宣王伐公孫淵北徙豐人住於此城遂

改名為南豐城也又東北積而為潭枝津出焉謂之百

尺溝西北流逕北益都城也漢武帝元朔二年封菑川

懿王子劉胡為侯國一清按史漢表作益都侯而漢志

益侯國故屬北海是也魏書地形志齊郡有益都縣寰

宇記云魏于壽光縣南十里益都城置益都縣屬齊郡

入益縣未知所據矣又青州府壽光縣下云鉅定城在縣西北八十里漢縣屬齊郡後漢省志云縣西四十里有益城漢益縣也縣北二十里有益都城漢武封淄川懿王子胡為侯邑處是知侯邑與縣治本屬二城益都始為侯邑未立又西北流而注于巨淀矣縣之明證也

又東北過壽光縣西

巨洋水自巨淀湖東北流逕縣故城西王莽之翼平亭也漢光武建武二年封更始子鯉為侯國城之西南水東有孔子石室故廟堂也中有孔子像弟子問經既無碑誌未詳所立全氏曰按于欽曰水經之言非也乃是倉頡墓中石室巨洋水又

東北流堯水注之水出劇縣南角崩山即故義山也俗人以其山角若崩因名為角崩山亦名為角林山皆世

俗音譌也水即蕤水矣地理志曰劇縣有義山蕤水所出也北逕嶼山東俗亦名之為青水矣堯水又東北逕東西壽光二城閒應劭曰壽光縣有灌亭杜預曰在縣東南斟灌國也又言斟亭在平壽縣東南平壽故城在白狼水西今北海郡治水上承營陵縣之下流東北逕城東西入別畫湖亦曰朕懷湖湖東西二十里南北三十里東北入海斟亭在漑水東水出桑犢亭東覆甌山亭故高密郡治世謂之故郡城山謂之塔山水曰鹿孟

水亦曰戾孟水皆非也地理志曰桑犢故亭北海之屬縣矣有覆甌山漑水所出一清按漢志北海郡桑犢縣覆甌山漑水所出北至都昌

入海桑犢本漢縣何云故亭乎

北逕斟亭西北今日白狼水按地理志

北海有斟縣京相璠曰故斟尋國禹後西北去灌亭九

十里漑水又北逕寒亭西郡國志曰平壽在斟城東清

按續志云平壽有斟城不如酈所云

薛瓚漢書集註云按汲郡古文相居

斟灌東郡灌是也明帝以封周後改曰衛斟尋在河南

非平壽也又云太康居斟尋羿亦居之桀又居之尚書

序曰太康失國兄弟五人徙于洛汭此即太康之居為

近洛也余考瓚所據今河南有尋地衛國有觀土國語

曰啟有五觀謂之姦子五觀蓋其名也所處之邑其名

曰觀皇甫謐曰衛地又云夏相徙帝邱依同姓之諸侯

于斟灌斟尋氏即汲冢書云相居斟灌也既依斟尋明

斟尋非一居矣窮后既仗善射篡相韓浞亦因逢蒙弑

羿即其居以生澆因其室而有豷故春秋襄公四年魏

絳曰澆用師滅斟灌及斟尋氏處澆于過處豷于戈是

以伍員言于吳子曰過澆殺斟灌以伐斟尋是也有夏

之遺臣曰靡事羿羿之死也逃于鬲氏今鬲縣也收斟

灌斟尋二國之餘燼殺韓浞而立少康滅之有窮遂亡

也是蓋寓其居而生其稱宅其業而表其邑縱遺文浴

禡亭郭有傳未可以彼有灌目謂專此為非捨此尋名而

專彼為是以土推傳應氏之據亦可按矣

全氏曰按吳仁傑曰原二

斟故國蓋不一處應氏以為壽光平壽縣按靡奔有鬲以收二國餘燼鬲在平原與北海近則應說是瓚以為在河南與洛汭近則瓚說亦是然則其歸奈何曰汲冢書有之太康居斟尋羿亦居之太康失邦而奔斟尋斟尋本在河南羿伐之乃棄國而保平壽所以有二城不然斟尋未滅羿安得而居之相居在東郡之觀而北海亦有灌亭正類是而後又以淳于縣為故斟灌國其非一地可知乃必欲以畔觀為斟灌至此依違兩可復不盡非應說

堯水又東北注巨洋伏琛晏謨並言堯嘗頓駕於此故受名焉非也地理志曰蕤水自劇東北至壽光入海沿其徑趣即是水也

又東北入于海

巨洋水又東北逕望海臺西東北流伏琛晏謨並以為平望亭在平壽縣故城西北八十里古縣又或言秦始皇

皇升以望海因曰望海臺未詳也按史記漢武帝元朔二年封菑川懿王子劉賞為侯國又東北注于海也

淄水出泰山萊蕪縣原山

淄水出縣西南山下世謂之原泉地理志曰原山淄水所出故經有原山之論矣淮南子曰水出自飴山蓋山別名也東北流逕萊蕪谷屈而西北流逕其縣故城南從征記曰城在萊蕪谷當路岨絕兩山間道由南北門漢末有范史雲為萊蕪令言萊蕪在齊非魯所得引舊說云齊靈公滅萊萊民播流此谷邑落荒蕪故曰萊蕪禹貢所謂萊夷也夾谷之會齊侯使萊人以兵劫魯侯

宣尼稱夷不亂華是也余按太無萊柞竝山名也郡縣

取目焉漢高祖置左傳曰與之無山及萊柞是也何氏曰左

傳昭公七年辭以無山與之萊柞蓋有無之無非山名全氏曰按以蕪為無善長殆有聞于萊蕪之為萊母而

不知其非山也應劭十三州記曰太山萊蕪縣魯之萊柞邑淄

水又西北轉逕城西又東北流與一水合水出縣東南

俗謂之家桑谷水從征記名曰聖水列仙傳曰鹿皮公

者淄川人也少為府小史才巧舉手成器山岑上有神

象人不能到小史白府君請木工斤斧三十人作轉輪

造縣閣意思橫生數十日梯道成上其巔作祠屋畱止

其傍其二閒以自固食芝草飲神泉七十餘年淄水來

山下呼宗族得六十餘人命上山半水出盡漂一郡沒

者萬計小史辭遣家室令下山著鹿皮衣升閣而去後

百餘年下賣藥齊市也其水西北流注淄水淄水又北

出山謂之萊蕪口東北流者也

又東北過臨淄縣東

淄水自山東北流逕牛山西又東逕臨淄縣故城南東

得天齊水口水出南郊山下謂之天齊淵五泉竝出南

北三百步廣十步山即牛山也左思齊都賦曰牛嶺鎮

其南者也水在齊入祠中齊之為名起於此矣地理風

俗記曰齊所以為齊者即天齊淵名也其水北流注于

淄水又東逕四豪冢北水南山下有四冢方基員墳咸高七尺東西直列是田氏四王冢也淄水又東北逕蕩

陰里西水東有冢一基三墳東西八十步是烈士公孫

接田開疆古冶子之墳也一清按晏子作公孫捷樂晏府解題作田強固野子

子惡其勇而無禮投桃以斃之死葬陽里卽此也一清按陽

里亦作陰陽里寰宇記引郡國志云臨淄縣東有陰陽

里是也御覽引此文仍作蕩陰里諸葛亮梁父吟步出

齊東門遙望蕩陰里樂府解題作追淄水又北逕其城

望陰陽里滄浪詩話青州有陰陽里淄水又北逕其城

東城臨淄水故曰臨淄王莽之齊陵縣也爾雅曰水出

其前左爲營邱一清按爾雅云水出其前消邱水出其後沮邱水出其右正邱水出其左營邱

善長所引疑武王以其地封太公望賜之以四履都營

邱爲齊或以爲都營陵史記周成王封師尚父于營邱

東就國道宿行遲萊侯與之爭營邱逆旅之人曰吾聞

時難得而易失客寢安殆非就封者也太公聞之夜衣

而行至營邱陵亦邱也獻公自營邱徙臨淄余按營陵

城南無水唯城北有一水世謂之白狼水西出丹山俗

謂凡山也東北流由爾雅出前左之文不得以爲營邱

矣營邱者山名也詩所謂子之營兮遭我乎貓之間兮

作者多以邱陵號同緣陵又去萊差近咸言太公所封

考之春秋經書諸侯城緣陵左傳曰遷杞也毛詩鄭注

並無營字瓚以爲非近之一清按以營陵爲緣陵正是瓚說而道元顧云瓚以爲非

近之則瓚別有說而今亡矣又按漢志齊郡臨淄縣分  
 註曰師尚父所封應劭曰齊獻公自營邱徙此臣瓚曰  
 臨淄即營邱也故晏子曰始爽鳩氏居之逢伯陵居之  
 太公居之又曰先君太公築營之邱今齊之城中有邱  
 即營邱也師古曰瓚說是也又北海郡營邱縣分註曰  
 或曰營邱應劭曰師尚父封于營邱陵亦邱也臣瓚曰  
 營邱即臨淄也營陵春秋謂之緣陵師古曰臨淄營陵  
 皆舊營邱地余謂獻公徙薄姑都治臨淄見于史記齊  
 世家應說遂啟後人之疑且淄水又不逕營陵臣瓚云  
 臨淄即營邱誠誤祇緣孟堅以臨淄即太公始封師古  
 諂附班氏而以瓚說為是不知瓚上句證臨淄之為營  
 邱下句實營陵之即緣陵言各有當臨淄營陵皆舊營  
 邱地一語滑突了之然太公始封宜在北海史記云營  
 邱邊萊故萊人與之爭國寰宇記濰州昌樂縣有古營  
 邱城云本夏商已前故國太公所封之處明其不在臨  
 淄也迨獻公新造斯邑猶取故稱故臨淄亦有營邱之  
 號而春秋之先杞自雍邱僻處東夷魯僖十五年桓公  
 城緣陵而遷之棄地閒田市恩隣國以收救患分災之  
 美霸者所為大率類是故營陵又有緣陵之目遂為淳  
 于公之都邑矣不然東樓之裔既非強大焉能與泱泱

表海之邦爭此逼處之士乎且瓚所引晏子對景公之  
 語本在薄姑而移之臨淄故知所傳之妄若夫晏子之  
 對亦見韓詩外傳景公游牛山而泣下晏子曰古無死  
 者則太公丁公至今猶存吾君方將披萊豆而立畝畝  
 何暇念死乎又寧可以是以作太公封臨淄之據哉又困  
 學紀聞云齊世家胡公始徙都薄姑周夷王之時獻公  
 因徙薄姑都治臨淄詩正義曰詩烝民云仲山甫徂齊  
 傳曰古者諸侯逼隘則王者遷其邑而定其居蓋去薄  
 姑遷于臨淄以為宣王之時始遷臨淄與世家異毛公  
 在遷之前其言當有據此證尤為精確顧祖禹曰呂氏  
 春秋太公封營邱之渚海阻山高險固之地其後五世  
 胡公徙薄姑六世獻公徙臨淄蓋自東而西也又云顧  
 氏曰班志云臨淄名營邱此猶晉遷于新田而仍謂之  
 絳楚遷于郟而仍謂之郟蓋因臨淄城中有小邱而繫  
 以舊名非即古營邱也晉載記慕容德如齊登營邱即  
 此地杜氏又謂臨淄後為營陵夫漢志明言齊郡治臨  
 淄北海郡治營陵豈一城乎此顧氏謂野王杜氏則杜  
 佑也君卿此語原非大繆祇因應劭有云陵亦邱也故  
 以營邱為營陵不知營邱之號可襲而漢縣之今臨淄  
 目不可移也若改作臨淄後稱營邱則善矣

城中有邱在小城內周迴三百步高九丈北降丈五淄水出其前故有營邱之名與爾雅相符城對天齊淵故城有齊城之稱是以晏子言始爽鳩氏居之逢伯陵居之太公居之又曰先君太公築營之邱一清按師古曰築營之邱言于營邱地季札觀風聞齊音曰泱泱乎大風也哉表東海者其太公乎田巴入齊過淄自鏡郭景純言齊之營邱淄水逕其南及東也非營陵明矣獻公之徙其猶晉氏深翼名絳非謂自營陵而之也全氏曰孔穎達曰臨淄營邱是一地謂自營邱徙臨淄者應劭之繆當云自薄姑徙臨淄一清按史記齊世家云哀公同母弟山怨胡公與其黨率營邱人襲殺胡公而自立是為獻公因徙薄姑都治臨淄即臣瓚所謂博昌有薄姑城者也濟水注云薄姑去齊城六十

里漢志又云琅邪姑幕或曰薄姑闕以為成王封太公非也蓋周公滅奄之後以薄姑地益太公之封耳其外郭即獻公所徙臨淄城也世謂之虜城言齊潛王伐燕燕王噲死虜其民寶居郭因以名之秦始皇三十四年滅齊為郡治臨淄漢高帝六年封子肥于齊為王國王莽更名濟南也戰國策田單為齊相過淄水有老人涉淄而出不能行坐沙中單乃解裘於斯水之上也

又東過利縣東

淄水自縣東北流逕東安平城北禹貢雖指曰應劭曰博昌縣西南三十里

有安平亭故縣也按淄水自利縣東又東北流不得過博昌之西南今臨淄縣東又有安平故城若以為是則當先安平後利縣豈注文偶爾失次耶不然則道元誤引利縣東北當別有東安平城也一清按漢志淄川國



東安平縣師古注引闕駟曰博陵有安平故此加東然則非博昌也所引應劭語見濟水注安平又是平安之誤博陵後漢質帝置方輿紀要安平城在臨淄縣東十里本齊邑史記齊世家平公割齊安平以東為田氏封邑湣王末燕師入齊田單走安平既而齊襄王封田單為安平君漢置東安平縣屬淄川國後漢改屬北海國安平平安本是二邑皆在利縣西南東安平為淄水所逕平安為濟水所逕不可混也此文自縣東北流蒙上臨淄而言故以東安平次于其下觀後別出時水東北逕齊利縣故城北之語可知原無舛誤胡氏乃妄辯之

又東逕巨淀縣故城南征和四年漢武帝幸東萊臨大海三月耕巨淀即此也縣東南則巨淀湖蓋以水受名也淄水又東北逕廣饒縣故城南漢武帝元鼎中封淄川靖王子劉國為侯國一清按王子侯表是元鼎元年封淄水又東北馬車瀆水注之首受巨淀淀即濁水所注也呂忱曰

濁水一名溷水出廣縣為山世謂之冶嶺山東北流逕廣固城西城在廣縣西北四里四周絕澗岨水深隍晉永嘉中東萊人曹嶷所造也水側山際有五龍口義熙五年劉武帝伐慕容超于廣固也以藉嶮難攻兵力勞弊河閒人元文說裕云昔趙攻曹嶷望氣者以為繩水帶城非可攻拔若塞五龍口城當必陷石虎從之嶷請降降後五日大雨雷電震開後慕容恪之攻段龕十旬不拔塞口而龕降降後無幾又震開之舊基猶存宜試修築裕塞之超及城內男女皆悉脚弱病者大半超遂出奔為晉所擒也然城之所跨實憑地嶮其水可固城

者在此濁水東北流逕堯山東從征記曰廣固城北三里  
有堯山祠堯因巡狩登此山後人遂以名山廟在山  
之左麓廟像東面華宇修整帝圖嚴飾軒冕之容穆然  
山之上頂舊有上祠今也毀廢無復遺式磐石上尙有  
人馬之跡徒黃石而已唯刀劍之蹤逼真矣至于燕鋒  
代鏐魏缺齊銍與今劍莫殊以蜜模寫知人功所制矣  
西望胡公陵孫暢之所云青州刺史傅宏仁言得銅  
棺隸書處濁水又東北流逕東陽城北東北流合長沙  
水水出逢山北阜世謂之陽水也東北流逕廣縣故城  
西舊青州刺史治亦曰青州城陽水又東北流石井水

注之水出南山山頂洞開望若門焉俗謂是山爲劈頭  
山其水北流注井井際廣城東側三面積石高深一匹  
有餘長津激浪瀑布而下澎聶之音驚川聒谷湍澹之  
勢狀同洪河北流入陽水余生長東齊極遊其下於中  
闊絕乃積縣載後因王事復出海岱郭金紫惠同石井  
賦詩言意彌日嬉娛尤慰羈心但恨此水時有通塞耳  
陽水東逕故七級寺禪房南水北則長廡徧駕迴閣承  
阿林之際則繩坐疎班錫鉢閒設所謂修修釋子眇眇  
禪棲者也陽水又東逕東陽城東南義熙中晉青州刺  
史羊穆之築此以在陽水之陽卽謂之東陽城世以濁

水為西陽水故也水流亦有時窮通信為靈矣昔在宋世是水絕而復流劉晃賦通津焉魏太和中此水復竭輟流積年先公除州即任未暮是水復通澄映盈川所謂幽谷枯而更溢窮泉輟而復流矣海岱之士又頌通津焉平昌龍民孫道相頌曰唯彼繩泉竭踰三齡祈盡珪璧謁窮斯牲道從隆替降由聖明耄民河間趙嶷頌云敷化未暮元澤潛施枯源揚瀾涸川滌陂北海郭欽曰先政輟津我后通洋但頌廣文煩難以具載陽水又北屈逕漢城陽景王劉章廟東東注于巨洋後人竭斷令北注濁水時人通謂濁水為陽水故有南陽北陽水

之論二水渾流世謂之為長沙水也亦或通名之為繩水故晏謨伏琛為齊記竝云東陽城既在繩水之陽宜為繩陽城非也世又謂陽水為洋水余按羣書盛言洋水出臨朐縣而陽水導源廣縣兩縣雖鄰川土不同於

事疑焉于氏欽齊乘云會肇南洋橋記曰俗呼洋水有二里者是也北洋傳記無文今出九回山入淄水齊記謂之繩水道元則曰羣書盛言洋水出臨朐陽水道源廣縣兩縣雖鄰川土不同于世疑焉然則洋分南北當後魏時已不能知况後世哉今辯之曰羣書盛言出臨朐者此巨洋也漢志失其原委耳南陽自為長沙水北陽自為濁水導源廣縣者是也會氏乃因漢志石膏山之洋水而以陽為洋誤矣長沙水出其西石溝水出其東洋水自出臨朐沂山漢志讀如祥與蜀之洋州同音故水經稱洋水則有巨洋北洋稱陽水則有南陽北陽四水雖以音同致疑源流可考惜乎會氏之不察也

濁水又北逕臧氏臺西又北逕益城西又北流注巨淀  
 地理志曰廣縣為山濁水所出東北至廣饒入巨淀巨  
 淀之右又有女水注之水出東安平縣之菟頭山從征  
 記曰水西有桓公冢甚高大墓方七十餘丈高四丈員  
 墳圍二十餘丈高七丈餘一墓方七丈二墳晏謨曰依  
 陵記非葬禮如承世故與其母同墓而異墳伏琛所  
 不詳也冢東山下女水原有桓公祠侍其衡奏魏武王  
 所立曰近日路次齊郊瞻望桓公墳壟在南山之阿請  
 為立祠為塊然之主郭緣生述征記曰齊桓公冢在齊  
 城南二十里因山為墳大冢東有女水或云齊桓公女

冢在其上故以名水也女水導川東北流甚有神焉化  
 隆則水生政薄則津竭燕建平六年水忽暴竭元明惡  
 之寢病而亡燕太上四年女水又竭慕容超惡之燕祚  
 遂淪女水東北流逕東安平縣故城南續述征記曰女  
 水至安平城南伏流一十五里然後更流注北陽水城  
 故鄴亭也春秋魯莊公三年紀季以鄴入齊公羊傳曰  
 季者何紀侯弟也賢其服罪請鄴以奉五祀田成子單  
 之故邑也後以為縣博陵有安平故此加東也世祖建

武七年封菑川王子劉茂為侯國

一清按范史宗室四王傳泗水王欽欽之

子曰菑川王終欽從父弟曰中山王茂建武十三年宗室諸王降爵茂封穰侯是茂于菑川王為從父亦不封

東安平也然光武紀又云以茂為單父侯又逕東安平道元載之泗水注中紀傳互異未知所是

城東東北逕壟邱東東北入巨淀地理志曰菟頭山女

水所出東北至臨淄入巨淀又北為馬車瀆北合淄水

又北時繩之水注之時水出齊城西北二十五里平地

出泉即如水也亦謂之源水因水色黑俗又目之為黑

水西北逕黃山東又北歷愚山山東有愚公冢時水又

屈而逕杜山北有愚公谷齊桓公時公隱于谿鄰有認

其駒者公以與之山即杜山之通阜以其人狀愚故謂

之愚公山水有石梁亦謂之為石梁水又有澧水注之

水出時水東去臨淄城十八里所謂澧中也俗以澧水

為宿留水西北入于時水孟子去齊三宿而後出畫故

世以此而變水名也一清按史記惠景間侯者年表澧

水名在齊又音乎卦反後漢書耿弇傳云進軍畫中章

懷注云畫中邑名畫音胡麥反故城在今西安城東有

畫水故名或作畫則字形之似也蓋以孟子三宿于此

後人因以宿留目之方俗之音隨之而變酈道元遊歷

三齊熟其風土故云俗以澧水為宿留水蓋宿留反語

宜為畫字朱子集註曰或曰畫當作畫是也其後悉改

而從澧王應麟困學紀聞引水經注云澧水出時水及

黃慎中刊本俱是澧字失古義矣乃毛奇齡作經問必

欲強分畫畫為二邑云畫邑在臨淄西南為孟子所宿

之處畫邑在臨淄西北三十里燕封王歎之地以燕從

西北至齊當是畫邑孟子從西南至滕當

是畫邑妄生穿鑿故不若酈注之為當也

水南山西有

王歎墓昔樂毅伐齊賢而封之歎不受自縊而死水側

有田引水溉跡尚存時水又西北逕西安縣故城南本

渠邱也齊大夫雝廩之邑矣王莽更之曰東寧時水又西至石洋堰分爲二水謂之石洋口枝津西北至梁鄒入沛時水又北逕西安城西又北京水系水注之水出齊城西南世謂之寒泉也東北流直申門西京相璠杜預並言申門卽齊城南面西第一門矣爲申池昔齊懿公遊申池邠戎庸職朱氏謀埠箋云左傳作邠獸閭職二人害公於竹中今池無復髣髴然水側尚有小小竹木以時遺生也左思齊都賦注申池在海濱齊藪也余按春秋襄公十八年晉伐齊戊戌伐雍門之菽己亥焚雍門壬寅焚東北二郭甲辰東侵及沂而不言北掠于海且晉獻子尚

不辭死以逞志何容對仇敵而不徵暴草木于海隅乎又炎夏火流非遠遊之辰懿公見弑蓋是白龍魚遯見困近郊矣左氏捨近遺遠考古非議杜預之言有推據耳系水傍城北流逕陽門西水次有故封處所謂齊之稷下也當戰國之時以齊宣王喜文學遊說之士鄒衍淳于髡田駢接子慎到之徒七十六人皆賜列第爲上大夫不治而論議是以齊稷下學士復盛且數百十人劉向別錄以稷爲齊城門名也談說之士期會于稷門下故曰稷下也鄭志曰張逸問書贊云我先師棘下生何時人鄭元答云齊田氏時善學者所會處也齊人號

之棘下生無常人也余按左傳昭公二十二年莒子如齊盟于稷門之外漢以叔孫通為博士號稷嗣君史記音義曰欲以繼蹤齊稷下之風矣然棘下又是魯城內地名左傳定公八年陽虎劫公伐孟氏入自上東門戰于南門之內又戰于棘下者也蓋亦儒者之所萃焉故張逸疑而發問鄭元釋而辯之雖異名兩見大歸一也

一清按寰宇記棘下齊城內地名棘稷聲相近不得引魯地以釋齊城內有故臺有營邱有故景王祠即朱虛侯章廟矣晉起居注云齊有大蛇長三百步負小蛇長百餘步逕於市中市人悉觀自北門所入處也北門外東北二百步有齊相晏嬰冢宅左

傳晏子之宅近市景公欲易之而嬰弗更為誠曰吾生則近市死豈易志乃葬故宅後人名之曰清節里系水又北逕臨淄城西門北而西流逕梧宮南昔楚使聘齊齊王饗之梧宮即是宮矣其地猶名梧臺里臺甚層秀東西一百餘步南北如減即古梧宮之臺臺東即闕子所謂宋愚人得燕石處臺西有石社碑碑猶存漢靈帝熹平五年立其題云梧臺里系水又西逕葵邱北春秋莊公八年襄公使連稱管至父戍葵邱京相璠曰齊西五十里有葵邱地若是無戍之

一清按下有脫字 僖公九年齊桓會諸侯于葵邱宰孔曰齊侯不務德而勤遠略明葵

邱不在齊也引胡廣汾陰葵邱山陽西北葵城宜在此  
非也余原左傳連稱管至父之戍葵邱以瓜時為往還  
之期請代弗許將為齊亂故令無寵之妹候公於宮因  
無知之紕遂害襄公若出遠無代寧得謀及婦人而為  
公室之亂乎是以杜預稽春秋之旨即傳安之注于臨  
淄西不得捨近託遠苟成已異於異可殊即義為負然  
則葵邱之戍即此地也系水西左迤為潭又西逕高陽  
僑郡南魏所立也又西北流注于時時水又東北流繩  
水注之水出營城東世謂之漢溱水也西北流逕營城  
北漢景帝四年封齊悼惠王子劉信都為侯國一清按王子侯

表是文帝四年封繩水又西逕樂安博昌縣故城南應劭曰昌

水出東萊昌陽縣道遠不至取其嘉名一清按漢志注

出東萊昌陽臣瓚曰從東萊至博昌經歷宿水不得至

也取其嘉名耳師古曰瓚說是今注云云殆合二人之

說為一人而昌陽之昌水水經失日博昌繩水西歷貝邱京相璠曰博昌縣南近繩水有

去東萊一郡之水故無可考耳闕駟曰縣處勢平故

地名貝邱在齊城西北四十里春秋莊公八年齊侯田

于貝邱見公子彭生豕立而泣齊侯墜車傷足於是處

也繩水又西北入時水從征記又曰水出臨淄縣北逕

樂安博昌南界西入時水者自下通謂之為繩也昔

晉侯與齊侯宴齊侯曰有酒如繩指喻此水也時水又



屈而東北逕博昌城北

一清按漢志千乘郡博昌時水北至巨定入馬車瀆俗本作縣

也字誤時水又東北逕齊利縣故城北又東北逕巨淀縣

故城北又東北逕廣饒縣故城北東北入淄水地理風

俗記曰淄入濡

全氏曰先司空公曰東州無濡水古文濡如通漢志如溪水經作濡溪是也然

則所云濡即砥水一名如故也然淄水支流通濟則由如以達濟非其經流也淮南子曰白公

問微言曰若以水投水如何孔子曰淄繩之水合易牙

嘗而知之謂斯水矣

### 又東北入于海

淄水入馬車瀆亂流東北逕琅槐故城南又東北逕馬

井城北與時繩之水互受通稱故邑流其號又東北至

皮邱坑入於海故晏謨伏琛並言淄繩之水合于皮邱

坑西地理志曰馬車瀆至琅槐入于海也蓋舉縣言也

齊乘云按通志略曰杜預謂淄入汶班固謂淄入濟桑

欽謂淄入海考其形勢當以杜為正豈其然乎諸說惟

桑氏為有據宜其以水名家也蔣氏廷錫尚書地理今

釋曰禹時淄水入海不入濟水經注敘述甚明史記河

渠書亦云禹治水之後于齊通菑濟之間是二水不通

可知蔡氏因漢書淄水入沛一語云淄水東入沛非是

王氏士禎居易錄云鄭夾際闖人于西北地理水道多

不能詳即就予鄉之水考之淄水杜云出泰山梁父縣

西入汶班云出萊蕪原山東至博昌入沛桑欽云出萊

水入海于氏主水經最合禹迹蔡氏主班猶未為失鄭  
氏主杜則誤矣然杜元凱所言別一淄水原非禹貢之  
淄也夾漈不知而妄主之王氏不察而強辨之班云入  
濟即應劭所云入濡也是支流非正派地理志于太山  
萊蕪之淄水千乘博昌之時水皆云幽州浸青之北境  
即幽之南境蓋本于職方也合之瓠河經及濟水注引  
伏琛齊記與本篇注淄時二水原有相通之道而以入海為歸漢志水經本無異同也

汶水出朱虛縣泰山

一清按沂山在青州府臨朐縣南百二十五里周禮職方青州其山鎮曰

沂山一名東泰山史記封禪書公玉帶言黃帝封東泰山禪凡山天子既令設祠具至東泰山山卑小不稱其費乃令禮官祠之而不封禪隋開皇十四年詔以沂山為東鎮後代因之載在祀典志云山西宗岱嶽東俯琅琊背負鳳皇嶺東接穆陵關其巔為百丈崖壁立萬仞形如斧削有飛泉下灑曰瀑布泉瀾水出其西麓水經巨洋水出朱虛縣泰山酈注云泰山即東小泰山也沂水亦出其西水經沂水出泰山蓋縣艾山酈注云鄭元云出沂山亦或云臨樂山是也流水出其東水經沭水出琅琊東莞縣西北山酈注云大弁山與小泰山連麓而異名是也而入濰之汶

亦出其下蓋齊東境內之水太半出于是表青州之鎮也宜哉

山上有長城西接岱山東連瑯琊巨海千有餘里蓋田氏之所造也竹書紀年梁惠成王二十年齊築防以為長城竹書又云晉烈公十二年王命韓景子趙烈子及我師伐齊入長城史記所謂齊威王曰趙侵我伐長城者也伏琛晏謨並言水出縣東南晤山山在小泰山東者也

北過其縣東

汶水自縣東北逕郚城北地理風俗記曰朱虛縣東四十里有郚城亭故縣也又東北逕管寧冢東故晏謨言

柴阜西南有魏獨行君子管寧墓墓前有碑又東北逕柴阜山北山之東有徵士邴原冢碑誌存焉汶水又東北逕漢青州刺史孫嵩墓西有碑碣汶水又東逕安邱縣故城北漢高帝八年封將軍張說為侯國地理志曰王莽之誅鄧也孟康曰今渠邱亭莒渠邱城是也伏琛晏謨齊記並言亭在渠邱城東北十里非也城對牟山山之西南有孫賓碩兄弟墓碑誌並在也

又北過淳于縣西又東北入于濰

故夏后氏之斟灌國也周武王以封淳于公號曰淳于國春秋桓公五年冬州公如曹傳曰淳于公如曹度其

國危遂不復也其城東北則兩川交會也

一清按漢志琅邪郡朱虛

縣東泰山汶水所出東至安邱入濰師古曰前言汶水出萊蕪入濟今此又言出朱虛入濰將桑欽所說有異或者有二汶水乎曾彥和曰汶水有二出萊蕪縣原山入濟者徐州之汶也出朱虛縣泰山入濰者青州之汶也于欽曰按入濟之汶見禹貢論語謂之汶上書傳謂之北汶即今大清河入濰之汶見漢書入沂之汶見水經濟有三汶清河為大胡渭曰元和志乾封縣界有五汶源別而流同五汶者曰北汶羸汶柴汶牟汶其一則經流也酈注無羸汶羸汶流合牟汶故不言五汶又有水出萊蕪縣塞子村流合牟汶者近志指為浯汶據漢志琅邪靈門縣有高梁山浯水所出東北入濰說文云水出靈門山世謂之浯汶在今莒州界與萊蕪無涉東汶出朱虛縣小泰山北流至淳于縣入濰在今臨朐安邱界淮南子曰汶出弗其西流入濟高誘云弗其山名在朱虛縣東是即入濰之東汶言入濟者淮南之誤也

濰水出琅邪箕縣濰山

日知錄曰濰水出琅邪箕屋山尚書禹貢濰淄其道左傳襄公十八

年晉師東侵及濰是也其字或省水作維或省系作淮又  
 或从心作惟總是一字漢書地理志瑯邪郡朱虛下箕下  
 作維靈門下橫下析泉下作淮上文引禹貢維留其道又  
 作惟一卷之中異文三見古人之文或省或借其旁並从  
 鳥佳之佳則一爾後人誤讀為淮沂  
 其父之淮而呼此水為槐河失之矣

瑯邪山名也越王句踐之故國也句踐并吳欲霸中國  
 徙都瑯邪秦始皇二十六年滅齊以為郡城即秦皇之  
 所築也遂登瑯邪大樂之山作層臺於其上謂之瑯邪  
 臺臺在城東南十里孤立特顯出于眾山上下周二十  
 里餘傍濱巨海秦皇樂之因畱三月乃徙黔首三萬戶  
 於瑯邪山下復十二年所作臺基三層層高三丈上級  
 平敞方二百餘步廣五里刊石立碑紀秦功德臺上有

神淵淵至靈焉人汙之則竭齋潔則通神廟在齊八祠

中漢武帝亦嘗登之漢高帝呂后七年以為王國文帝

三年更名為郡全氏曰于文當作漢高后七年以封營

合王莽改曰填夷矣濰水導源濰山許慎呂忱云濰水

出箕屋山淮南子曰濰水出覆舟山蓋廣異名也東北

逕箕縣故城西又西析泉水注之水出析泉縣北松山

東南流逕析泉縣東又東南逕仲固山東北流入于濰

地理志曰至箕縣北入濰者也一清按漢志瑯邪郡析

泉縣析泉水北至莫入

淮淮即濰濰出箕縣濰山莫字是箕字之誤寰宇記引

漢志亦作莫云舊地理書並失其所在蓋今莒縣東北

所在今莒縣南七十里故向城春秋時向邑即禕縣也禕今本漢書作禕說文作禕應劭曰音禕與析泉境相屬樂史所記足補酈注之遺

濰水又東北逕諸縣故城西春秋文公十二年季孫行父城諸及鄆傳曰城其下邑也王莽更

名諸并矣濰水又東北涓水注之水出馬耳山山高百

丈上有二石並舉望齊馬耳故世取名焉東去常山三

十里涓水發于其陰北逕婁鄉城東春秋昭公五年經

書夏莒牟夷以牟婁防茲來奔者也又分諸縣之東為

海曲縣故俗人謂此城為東諸城涓水又北注于濰水

### 東北過東武縣西

縣因岡為城城周三十里漢高帝六年封郭蒙為侯國

王莽更名之曰祥善矣又北左合扶淇之水水出西南

常山東北流注濰晏謨伏琛並以濰水為扶淇之水以

扶淇之水為濰水非也按經脈志濰自箕縣北逕東武

縣西北流合扶淇之水晏謨伏琛云東武城西北二里

濰水者即扶淇之水也濰水又北右合盧水即久台水

也地理志曰水出瑯邪橫縣故山

一清按漢志瑯邪橫縣下云故山久台水所出東南至東武入淮師古曰台音怡所謂橫故山者山本名橫山縣因山以受氏亦曰橫耳道元依班志以立文乃曰橫縣故山可謂踈鹵矣顧景范曰久當作名漢書誤本後人承其繆又曰盧水源出盧山北流入濰

一名台水近志訛為久台水又曰盧山在諸城縣東南四十五里以秦博士盧敖隱處而名其北即廢橫縣也盧水源出于此按周禮職方兗州其浸盧維班固僅志禹貢維水而盧水無聞師古以為在濟北盧縣而泰山

之盧又無盧水也故老友全謝山欲以城陽盧縣之盧川水當之竊謂不如用此琅邪之台水本出盧山曰盧水東南至東武入濰見于地理志 王莽之令邱也山在以此當職方之浸庶為可據也

東武縣故城東南世謂之盧山也西北流逕昌縣故城

西東北流齊地記曰東武城東南有盧水水側有勝火

木方俗音曰檉子其木經野火燒死炭不滅故東方朔

云不灰之木者也其水又東北流逕東武縣故城東而

西北入濰地理志曰久台水出東南逕東武入濰者也

尚書所謂濰淄其道矣

又北過平昌縣東

濰水又北逕石泉縣故城西王莽之養信也地理風俗

記曰平昌縣東南四十里有石泉亭故縣也濰水又北

逕平昌縣故城東荆水注之水出縣南荆山阜東北流

逕平昌縣故城東漢文帝封齊悼惠王肥子劉永為侯

國一清按永史漢表俱作邛是也即後立為膠西王者也又索隱曰平原而善長以為瑯邪地理志平原瑯邪俱有平昌縣平原之平昌下云侯國而瑯邪之平昌則無說續志北海國平昌下云侯國故屬瑯邪然則小司馬 城之東南角有臺臺下有井與荆水通物墜於井非矣

則取之荆水昔常有龍出入于其中故世亦謂之龍臺

城也荆水又東北流注于濰水又北浯水注之水出晤

山世謂之巨平山也地理志曰靈門縣有高朶山與晤

一山浯水所出東北入濰一清按漢志瑯邪郡靈門縣高朶山壺山浯水所出東北

入淮師古曰今是山西接晤山許慎說文言水出靈門

一清按說文浯水出瑯邪靈門山壺山注云靈門山疑脫壺字世謂之浯汶矣其水

東北逕姑幕縣故城東縣有五色土王者封建諸侯隨

方受之故薄姑氏之國也闕駟曰周成王時薄姑與四國

作亂周公滅之以封太公是以地理志曰或言薄姑也

王莽曰季睦矣應劭曰左傳曰薄姑氏國太公封焉薛

瓚漢書注云博昌有薄姑城未知孰是浯水又東北逕

平昌縣故城北古塌此水以溢溉田南注荆水浯水又

東北流而注于濰水也

又北過高密縣西

應劭曰縣有密水故有高密之名也然今世所謂百尺

水者蓋密水也水有二源西源出奕山亦曰障日山山

勢高峻隔絕陽曦即此山也晏謨曰山狀障日是以此

名伏琛曰山上障日故名障日山也其水東北流東源出

五弩山西北流同瀉一壑俗謂之百尺水古人塌以溉

田數十頃北流逕高密縣西下注濰水自下亦兼通稱

焉亂流歷縣西碑產山西又東北水有故堰舊鑿石豎

柱斷濰水廣六十許步掘東岸激通長渠東北逕高密

縣故城南明帝永平中封鄧震為侯國縣南十里蓄以

為塘方二十餘里古所謂高密之南都也溉田一頃許

陂水散流下注夷安澤濰水自堰北逕高密縣故城西

漢文帝十六年別為膠西國宣帝本始元年更為高密

國王莽之章牟也一清按漢志王莽改高密國之濰水

又北昔韓信與楚將龍且夾濰水而陣于此信夜令為

萬餘囊盛沙以遏濰水引軍擊且偽退且追北信決水

水大至且軍半不得渡遂斬龍且於是水水西有礪阜

阜上有漢司農卿鄭康成冢石碑猶存又北逕昌安縣

故城東漢明帝永平中封鄧襲為侯國也郡國志曰漢

安帝延光元年復也

又北過淳于縣東

濰水又北左會汶水北逕平城亭西又東北逕密鄉亭

西郡國志曰淳于縣有密鄉地理志皆北海之屬縣也

應劭曰淳于縣東北六十里有平城亭又四十里有密鄉

亭故縣也濰水又東北逕下密縣故城西城東有密阜

地理志曰有三戶山祠余按應劭曰密者水名是有下

密之稱俗以名阜非也

又東北過都昌縣東

濰水東北逕逢萌墓萌縣人也少有大節恥給事縣亭

遂浮海至遼東復還在不其山隱學明帝安車徵萌以

佯狂免又北逕都昌縣故城東漢高帝六年封朱軫為



侯國北海相孔融為黃巾賊管亥所圍於都昌也太史慈為融求救劉備持的突圍其處也

又東北入于海

膠水出黔陬縣膠山北過其縣西

齊記曰膠水出五弩山蓋膠山之殊名也北逕祝茲縣

故城東漢武帝元鼎中封膠東康王子延年為侯國

按索隱曰案志松茲在廬江亦作祝茲表在瑯邪地理志瑯邪無祝茲縣然小司馬欲以廬江之域當膠東之封非矣漢表是元封此又逕邾縣故城西地理志瑯邪云元鼎道元誤記也

之屬縣也漢文帝元年封呂平為侯國

一清按史記高后紀及惠景間侯者年表呂平以高后元年封扶柳侯非文帝索隱曰縣名屬信都亦非瑯邪邾縣也又平為高后姊長姁子

而亦冒姓呂氏者也膠水又北逕黔陬縣故城西袁山松郡國志

曰縣有介亭地理志曰故介國也春秋僖公二十九年

介葛盧來朝聞牛鳴曰是生三犧皆用之問之果然晏

謨伏琛並云縣有東西二城相去四十里有膠水非也

斯乃柜艾水也水出縣西南柜艾山即齊記所謂黔艾

山也東北流逕柜縣故城西王莽之祓同也世謂之王

城又謂是水為洋洋水矣

顧氏祖禹曰蘇林以為根艾水即膠之洋河又東

北逕晏伏所謂西黔陬城西又東入海地理志曰瑯邪

有柜縣柜艾水出焉

一清按今本漢志作根艾水東入海即斯水也膠水北逕晏伏所謂西黔陬城東今高密郡側有黔陬

縣地理志曰膠水出邦縣王莽更之純德矣疑卽是縣所未詳也

又北過夷安縣東

縣故王莽更名之原亭也應劭曰故萊夷維邑也太史公曰晏平仲萊之夷維之人也漢明帝永平中封鄧珍爲侯國西去濰水四十里膠水又北逕膠陽縣東晏伏並謂之東亭自亭結路南通夷安地理風俗記曰淳于縣東南五十里有膠陽亭故縣也又東北流左會一水世謂之張奴水水發夷安縣東南阜下西北流歷膠陽縣注于膠水之左東北爲澤水渚百許里謂之夷安潭

潭之澤周四十里亦濰水枝津之所注也膠水又東北

逕下密縣故城東又東北逕膠東縣故城西漢高帝元

年別爲國

全氏曰按此實項王事也蓋分三齊而以故王田市國于膠東

景帝封子寄

爲王國王莽更之郁秩也今長廣郡治伏琛晏謨言膠

水東北迴達于膠東城北百里流注于海

又北過當利縣西北入于海

縣故王莽更名之東萊亭也又北逕平度縣漢武帝元

朔二年封菑川懿王子劉衍爲侯國

一清按漢表作王行此從史表

莽更名之曰利盧也縣有土山膠水北歷土山注于海海南土山以北悉鹽坑相承修煮不輟北眺巨海杳冥

無極天際兩分白黑方別所謂溟海者也故地理志曰

膠水北至平度入海者也一清按周禮職方九藪具載

長廣縣有萊山萊王祠奚養澤在西秦地圖曰劇清池

幽州藪寰宇記云萊州萊陽縣本漢昌陽縣地故長廣

城在縣東五十里有萊王祠奚養澤在西方與紀要云

九頃深不可測今涸地近高密故宜附見卷中又幽州

之山鎮曰醫無閭漢志遼東郡無慮縣應劭曰音閭師

古曰即所謂醫無閭今在廣寧城西五里也不特此也

漢志東萊郡睡縣之梁山祠居上山聲洋丹水所出丹

水東北入海聲洋水寰宇記謂之清陽水側近與海畔

之梁山對方輿紀要云清陽水即清洋河在登州府福

山縣東十里北注于海聲清音相近黃縣有萊山松林

萊君祠臨胸縣有海水祠師古曰齊郡已有臨胸而東

萊又有此縣蓋各以所近為名寰宇記漢故城去海三

十里去海神祠約五六里曲成縣參山萬里沙陽邱山

治水所出南至沂入海全氏曰曲成陽邱山之治水何

以得至沂入海說文云治水出東萊曲成陽邱山南入

海不云至沂也此水但當于膠濰之間入海不應閒關

二千里歷濟淮二瀆至沂入海自續志晉魏史志及李

氏元和樂氏太平王氏元豐諸志又皆無曲成治水之

目則大可疑者竊謂出陽邱山者非治水也乃沽水也

左氏傳姑尤以西杜元凱曰姑大沽水也尤小沽水也

魏書地形志東萊郡長廣縣有沽水寰宇記云沽尤即

齊界然則漢志所云南至沂者亦非沂也乃計斤之脫

誤耳漢之曲成在今掖縣小沽水出焉其東則黃縣大

沽水出焉逕福山而招遠而萊陽至于平度即墨之間

而合流三百餘里自東而南直趨膠州之麻灣口明世

議海運口者之道也故其時嘗有議東引沽河者其入

海之處正漢計斤縣地東萊之水未有大于沽河者亦

未有古于沽河者次之則清陽水耳漢志說文皆誤以

為治水而沽之名隱矣此與泰山郡南武陽冠石山之

治水截然不同故分疏之如此後徙莒有鹽官師古曰

故介國也計斤莒子始起此後徙莒有鹽官師古曰即

春秋左氏傳所謂介根也語有輕重東漢廢介根入黔

陬又析置葛盧故續志東萊郡下云黔陬侯國故屬瑯

邪有介亭劉昭補注云左傳襄公二十四年伐莒侵介

根杜預曰縣東北計基城號介國計基即計斤也又葛

大歷生翠

盧有尤涉亭即姑尤之水入海之處全氏以漢志沂為計斤鑿然可據磁縣有百支萊王祠昌陽應劭曰昌水出師古注引此文于千乘郡博昌縣下不夜縣有成山日祠師古曰齊地記云古有日夜出見于東萊故萊立此城以不夜為名是皆表表著名卷中一不及之似脫去東萊一郡之水而不可考矣

水經注釋卷二十六終

水經注釋卷二十七

仁和趙一清誠夫錄

沔水上

沔水出武都沮縣東狼谷中

沔水一名沮水闕駟曰以其初出沮洳然故曰沮水也

縣亦受名焉導源南流泉街水注之水出河池縣東南

入沮縣會于沔一清按漢志武都郡河池縣泉街水南至沮入漢行五百二十里秦隴之大川

而漾水注又有河池水出河池北谷西南入濁水別是一水也沔水又東南逕沮水戍

而東南流注漢曰沮口所謂沔漢者也尚書曰嶓冢導

漾東流為漢山海經所謂漢出鮒嶠山也東北流得獻

水口庾仲雍云是水南至關城合西漢水又東北合沮口同爲漢水之源也故如淳曰此方人謂漢水爲沔水故孔安國曰漾水東流爲沔蓋與沔合也至漢中爲漢水是互相通稱矣沔水又東逕白馬戍南瀼水入焉水北發武都氏中南逕張魯城東魯沛國張陵孫陵學道於蜀鶴鳴山傳業衡衡傳於魯魯至行寬惠百姓親附供道之費米限五斗故世號五斗米道初平中劉焉以魯爲督義司馬住漢中斷絕閣道用遠城治因卽峭嶺周迴五里東臨瀆谷杳然百尋西北二面連峯接崖莫究其極從南爲盤道登陟二里有餘瀼水又南逕張魯

治東水西山上有張天師堂于今民事之庾仲雍謂山爲白馬塞堂爲張魯治東對白馬城一名陽平關瀼水南流入沔謂之瀼口其城西帶瀼水南面沔川城側二水之交故亦曰瀼口城矣沔水又東逕武侯壘南諸葛武侯所居也南枕沔水水南有亮壘背山向水中有小城迴隔難解沔水又東逕沔陽縣故城南城舊漢祖在漢中言蕭何所築也漢建安二十四年劉備并劉璋北定漢中始立壇卽漢中王位于此城其城南臨漢水北帶通達南面崩水三分之一觀其遺略厥狀時傳南對定軍山曹公南征漢中張魯降乃命夏侯淵等守之劉

備自陽平關南渡沔水遂斬淵首保有漢中諸葛亮之死也遺令葬于其山因卽地勢不起墳壟唯深松茂柏攢蔚川阜莫知墓塋所在山東名高平是亮宿營處有亮廟亮薨百姓野祭步兵校尉習隆中書郎向充共表云臣聞周人思邵伯之德甘棠爲之不伐越王懷范蠡之功鑄金以存其像亮德軌遐邇勲蓋來世王室之不壞實賴斯人而使百姓巷祭戎夷野祀非所以存德念功追述在昔者也今若盡順民心則黷而無典建之京師又逼宗廟此聖懷所以惟疑也臣謂宜近其墓立之沔陽斷其私祀以崇正禮始聽立祀斯廟蓋所啓置也

鍾士季征蜀枉駕設祠營東卽八陣圖也遺基略在崩褫難識沔水又東逕西樂城北城在沔陽東山上周三里甚峻固城側有谷謂之容裘谷道通益州山多羣獠諸葛亮築以防遏梁州刺史楊亮卽嶮之固保而居之爲苻堅所敗後刺史姜守潘猛亦相仍守此城城東容裘谿水注之俗謂之洛水也水南導巴嶺山東北流水左有故城憑山卽嶮四面岨絕昔先主遣黃忠據之以拒曹公谿水又北逕西樂城東而北流注于漢漢水又左得度口水出陽平北山水有二源一曰清檢出佳鱖一曰濁檢出好鮒常以二月八月取之美珍常味度

水南逕陽平縣故城東又南逕沔陽縣故城東而南流注于漢水又東右會溫泉水口水發山北平池方數十步泉源沸湧冬夏湯湯望之則白氣浩然言能瘥百病云洗浴者皆有硫黃氣赴集者常有百數池水通注漢水漢水又東黃沙水左注之水北出遠山山谷邃嶮人跡罕交谿曰五丈谿水側有黃沙屯諸葛亮所開也其水南注漢水南有女郎山山上有女郎冢遠望山墳嵬嵬狀高及卽其所裁有墳形山上直路下出不生草木世人謂之女郎道下有女郎廟及擣衣石言張魯女也有小水北流入漢謂之女郎水漢水又東合褒水水西

北出衙嶺山東南逕大石門歷故棧道下谷俗謂千梁無柱也諸葛亮與兄瑾書云前趙子龍退軍燒壞赤崖以北閣道緣谷一百餘里其閣梁一頭入山腹其一頭立柱于水中今水大而急不得安柱此其窮極不可強也又云頃大水暴出赤崖以南橋閣悉壞時趙子龍與鄧伯苗一戍赤崖屯田一屯赤崖口但得緣崖與伯苗相聞而已後諸葛亮死于五丈原魏延先退而焚之謂是道也自後案舊修路者悉無復水中柱逕涉者浮梁振動無不搖心眩目也褒水又東南逕三交城城在三水之會故也一水北出長安一水西北出仇池一水東

北出太白山是城之所以取名矣

初學記岐州引水經注曰桐池水東北流

入三交水今本無之寰宇記鳳翔府寶雞縣下云三交故城在縣西四十六里耆舊傳司馬宣王與諸葛亮相拒于此因 築此城 襄水又東南得丙水口水上承丙穴穴出嘉

魚常以三月出十月入地穴口廣五六尺去平地七八

尺有泉懸注魚自穴下透入水穴口向丙故曰丙穴下

注襄水故左思稱嘉魚出于丙穴良木攢於襄谷矣襄

水又東南歷小石門門穿山通道六丈有餘刻石言漢

明帝永平中司隸校尉犍為楊厥之所開逮桓帝建和

二年漢中太守同郡王升嘉厥開鑿之功琢石頌德以

為石牛道來敏本蜀論云秦惠王欲伐蜀而不知道作

五石牛以金置尾下言能尿金蜀王負力令五丁引之

成道秦使張儀司馬錯尋路滅蜀因曰石牛道厥蓋因

而廣之矣蜀都賦曰岨以石門其斯之謂也隸釋司隸

文石門頌唯靈定位川澤股肱澤有所注川有所通

余谷之川其澤南隆八方所達益域為充高祖受命與

於漢中道由子木出散入秦建定帝位以漢詆為犍後

以子木莖路並難更隨圍谷復通堂光凡此四道垓鬲

无孰艱至於永平其有四年詔書開余鑿通石門中遭

元二西夷雲殘橋梁斷絕子半復脩上則縣峻屈曲深

顛下則人訖寘嶺廩寫輪淵平阿源泥常陰鮮晏木石

相距利磨确勝臨危槍碭履尾心寒空輿輕騎遶尋弗

前憲宏幣狩地蛭毒疇未秋截霜稼苗麦犴殘終幸不

登匱餒之患卑者楚惠尊者弗安愁苦之難為可具言



王升字稚紀涉歷山道推序本原嘉君明知美其仁賢  
勒石頌德以明厥勳其辭曰君德明二炳煥彌光刺過  
拾遺厲清八荒奉魁承杓綏億衙疆春宣聖日秋貶若  
霜無偏蕩二真雖以方寧靜烝庶政與乾通輔主匡君  
循禮有常咸曉地理知世紀綱言必忠義匪石厥章厥  
宏節節而益明揆往卓今謀合朝情醇艱即安有勳  
有榮禹鑿龍門君其繼蹤上順斤剝極下荅川皇自南  
自北四海攸通君子安樂庶土牡悅雍商二歎誦序曰明  
永同春秋記異今而紀功垂深億載世二歎誦序曰明  
哉仁知豫識難易原度天道安危所歸勤二竭誠榮名  
休麗五官掾南鄭趙卻字季南屬褒中毘漢疆字產伯  
書佐西成王戒字文寶主王府君閔谷道關難分置六  
部道摛特遣行丞事西成輔服字顯公都督掾南鄭巍  
整字伯玉後遣趙誦字公梁案察中曹卓行造作石積  
萬世之基或解高格下就平易行者欣然為伯玉即日  
徙署行丞事守安陽長洪氏适日華陽國志楊君名渙  
又曰故司隸校尉尉犍為楊君頌隸額在興元威宗建和  
二年漢中太守王升立碑云司隸校尉尉楊君厥字孟文  
水經及歐趙皆謂之楊厥碑蜀中晚出楊淮碑云司隸  
校尉楊君厥諱淮字伯邳大司隸孟文之元孫也始知

兩碑皆以厥為語助此乃後政頌其勳德故尊而字之  
不稱其名順帝紀延光四年詔益州刺史罷子午道通  
褒斜路蓋從其所請也子午長安正南山名褒斜者漢  
中谷名高祖開石門史策不書亦見郿閣碑平帝時王  
莽以皇后有子孫瑞遂通子午永平之詔史亦闕文安  
帝永初元年先零叛斷隴道寇三輔入益州殺漢中守  
乃橋梁斷絕時也自明帝永平四年通石門至永初幾  
五十年自永初褒斜斷絕至延光四年凡十五年水經  
云石門穿山通道六丈有餘即秦人取蜀之石牛道楊  
君因而廣之蜀都賦岨以石門是也門在漢中之西褒  
中之北褒水南歷褒口北出斜谷碑以余谷為斜谷充  
為衝詆為抵並為澀蔭為陰遼為寮弊狩為斃獸衙為  
禦縱為蹤懣為喜積為積西成為西城高即高字莖即  
塗字斷即斷字厥即恢字醜即滯字導即礙字憲即惡  
字疆即疆字厥即恢字醜即滯字導即礙字憲即惡  
寶云褒城縣北五里磨崖額題云故司隸校尉犍為楊  
君頌十隸字碑式云碑文六十七行行三十字或有疎  
密不齊者高祖受命平關命字垂筆甚長所侵兩字許  
又空二字方書其下一句序曰別作行後一行低二字  
書趙邵等三人姓名又書王府君分遣官屬事凡三行

未行低七字書魏伯玉徙官隸續云宣和殿碑錄以碑  
 為鼂漢疆書考其碑云五官掾南鄭趙邵屬襄中鼂漢  
 疆書佐西成王戒蓋二人主其事非鼂漢疆書也一清  
 按此碑載張鳴鳳西遷注彼所親睹者憲宏幣獸是惡  
 蟲敝獸安危所歸是安危所繫可補隸釋之遺寰宇記  
 云洵陽縣心山漢宣帝時北平陽厥為漢中守經此山  
 有棲遁意不之郡學道感瑞見金羊因易姓羊氏蓋傳  
 聞之繆爾又晉書云山簡與譙郡嵇紹沛郡劉謨宏農  
 楊淮齊名即蜀中門在漢中之西襄中之北襄水又東  
 晚出碑其人也

南歷襄口即襄谷之南口也北口曰斜所謂北出襄斜  
 襄水又南逕襄縣故城東襄中縣也本襄國矣漢昭帝  
 元鳳六年置襄水又南流入于漢漢水又東逕萬石城  
 下城在高原上原高十餘丈四面臨平形若覆瓮水南  
 邊水為岨西北竝帶漢水其城宿是流襍聚居故世亦

謂之流雜城漢水又東逕漢廟堆下昔漢女所遊側水  
 為釣臺後人立廟于臺上世人覩其頽基崇廣因謂之  
 漢廟堆傳呼乖實又名之為漢武堆非也

又東過南鄭縣南

縣故襄之附庸也周顯王之世蜀有襄漢之地至六國  
 楚人兼之懷王衰弱秦略取焉周赧王二年秦惠王置  
 漢中郡因水名也耆舊傳云南鄭之號始于鄭桓公桓  
 公死于犬戎其民南奔故以南鄭為稱即漢中郡治也  
 漢高祖入秦項羽封為漢王蕭何曰天漢美名也遂都  
 南鄭大城周四十二里城內有小城南憑北結環雉金

塘漆井皆漢所修築地沃川嶮魏武方之雞肋曰釋騏  
 驥而不乘焉皇皇而更求遂畱杜子緒鎮南鄭而還晉  
 咸康中梁州刺史司馬勳斷小城東面三分之一以為  
 梁州漢中郡南鄭縣治也自齊宋魏咸相仍焉水南即  
 漢陰城也相承言呂后所居也有廉水出巴嶺山北流  
 逕廉川故水得其名矣廉水又北注漢水漢水右合池  
 水水出旱山一清按漢志漢中郡南鄭縣旱山池水所出東北入漢寰宇記南鄭縣旱山下有石池水多蓴菜即此水也山下有祠列石十二不辨其由蓋社主之  
 流百姓四時祈禱焉俗謂之獠子水夾漈諸田散流左  
 注漢水漢水又東得長柳渡長柳村名也漢太尉李固

墓碑銘尚存文字剝落不可復識漢水又東逕胡城南  
 義熙十五年城上有密雲細雨五色昭章人相與謂之  
 慶雲休符當出曉乃雲霽及覺城崩半許淪水出銅鍾  
 十二枚刺史索邈奉送洛陽歸之宋公府南對扁鵲城  
 當是越人舊所逕陟故邑流其名耳漢水出于二城之  
 間右會磐余水水出南山巴嶺上泉流兩分飛清派注  
 南入蜀水北注漢津謂之磐余口庾仲雍曰磐余去胡  
 城二十里漢水又左會文水水即門水也出胡城北山  
 石穴中長老云杜陽有仙人宮石穴宮之前門故號其  
 川為門川水為門水東南流逕胡城北三城奇對隔谷

羅布深溝固壘高臺相距門水右注漢水謂之高橋谿口漢水又東黑水注之水出北山南流入漢庾仲雍曰黑水去高橋三十里諸葛亮牋云朝發南鄭暮宿黑水四五十里指謂是水也道則百里也

又東過成固縣南又東過魏興安陽縣南涔水出自旱山北注之

一清按觀道元釋魏興安陽之文則此條經文疑後人所續增

常璩華陽國志曰蜀以成固為樂城縣也安陽縣故隸漢中魏分漢中立魏興郡安陽隸焉涔水出西南而東北入漢左谷水出西面而東北入漢左谷水出漢北

按漢志漢中郡安陽縣左谷水出北南入漢所云出北出安陽縣之北也道元注云出漢北非是 即聲

水也北發聽山山下有穴水穴水東南流歷平川中謂之聳鄉水曰聳水川有唐公祠唐君字公房成固人也學道得仙入雲臺山合丹服之白日升天雞鳴天上狗吠雲中唯以鼠惡畱之鼠乃感激以月晦日吐腸胃更生故時人謂之唐鼠也公房升仙之日聳行未還不獲同階雲路約以此川為居言無繁霜蛟虎之患其俗以為信然因號為聳鄉故水亦即名焉百姓為之立廟于其處刊石立碑表述靈異也

隸釋仙人唐公房碑云君字公房成固人蓋帝堯之

綱十之故能舉家綱五去上陟皇耀統御陰陽騰清躡浮命壽無疆雖王公之尊四海之富會綱五毛天地之性斯其全貴者也耆老相傳以為至矣居攝二季君為郡吏綱四土域啖瓜旁有真人左右莫察而君獨進美

瓜又從而敬禮之真人者遂與闕期賀谷口山上乃與  
 神藥曰服藥以後當移意萬里知鳥獸言語是時府在  
 西成去家七百餘里休謁往徠轉景即全闔郡驚焉白  
 之府君徙為却吏晷留輒車被具君乃畫地為獄召晷  
 誅之視其腹中果有被具府君闕賓燕欲從學道公房  
 頃無所進府君怒勅尉部吏收公房妻子公房乃先歸  
 於谷口呼其師告以厄急其師與之歸以藥飲公房妻  
 子曰可去矣妻子學家不忍去又曰豈欲得家俱去乎  
 妻子曰固所願也於是乃以藥塗屋柱飲牛馬六畜須  
 臾有大風元雲來迎公房妻子屋宅六畜翛然與俱去  
 昔高松崔白皆一身得道而公房舉家俱滄盛矣傳曰  
 賢者所存澤流百世故使聲鄉春夏毋蚊蝻秋冬鮮繁  
 霜厲蠱不遐去其螟蟻百穀收入天下莫知斯德祐之  
 效也道牟羣仙得潤故鄉知德者鮮歷世莫紀漢中太  
 守南陽郭君諱芝字公載修北辰之政馳周邵之風歆  
 樂唐君神靈之美以為道重者名邵德厚者廟尊乃發  
 嘉教躬損奉錢倡率羣義繕廣斯廟闕和祈福布之地  
 民刻石昭音揚君靈譽其辭曰黜遂享神藥超浮雲兮  
 即壻字晷即鼠字學即戀字

南流逕通關勢南山高百餘丈上有匈奴城方五里濬

塹三重高祖北定三秦蕭何守漢中欲修北道通關中

故名為通關勢聳水又東逕七女冢冢夾水羅布如七

星高十餘丈周迴數畝元嘉六年大水破墳墳崩出銅

不可勝計得一磚刻云項氏伯無子七女造墉世人疑

是項伯冢水北有七女池池東有明月池狀如偃月皆

相通注謂之張良渠蓋良所開也聳水逕樊噲臺南臺

高五六丈上容百許人又東南逕大成固北城乘高勢

北臨聳水水北有韓信臺高十餘丈上容百許人相傳

高祖齋七日置壇設九賓禮以禮拜信也聳水東迴南

轉又逕其城東而南入漢水謂之三水口也漢水又東會益口水出北山益谷東南流注于漢水漢水又東至灊城南與洛谷水合水北出洛谷谷北通長安其水南流右則灊水注之水發西谿東南流合為一水亂流南出際其城西南注漢水所謂洛口也漢水又東逕小成固南州治大成固移縣北故曰小成固城北百二十里有興勢坂諸葛亮出洛谷成興勢置烽火樓處通臨漢水東歷上濤而逕於龍下蓋伏石驚湍流屯激怒故有上下二濤之名龍下地名也有邱郭墳墟舊謂此館為龍下亭自白馬迄此則平川夾勢水豐壤沃利方三蜀

矣度此溯洄從漢為山行之始漢水又東逕石門灘山峽也東會酉水水北出秦嶺西谷南歷重山與寒泉合水東出寒泉嶺泉湧山頂望之交橫似若瀑布頽波激石散若雨灑勢同厭原風雨之池其水西流入于酉水酉水又南注漢謂之酉口漢水又東逕媯墟灘世本曰舜居媯汭在漢中西城縣或言媯墟在西北舜所居也或作姚墟故後或姓姚或姓媯媯姚之異是妄未知所從余按應劭之言是地於西城為西北也一清按困學紀聞曰舜居媯汭其後因姓媯氏左傳正義曰世本舜姓姚氏虞思猶姓姚也至胡公周乃賜姓為媯漢水又東逕猴徑灘山多猴猿好乘危綴飲故灘受斯名焉漢水

又東逕小大黃金南山有黃金峭水北對黃金谷有黃金戍傍山依峭嶮折七里氏掠漢中岨此為戍與鐵城相對一城在山上容百餘人一城在山下可置百許人言其嶮峻故以金鐵制名矣昔楊難當令魏興太守薛健據黃金姜寶據鐵城宋遣秦州刺史蕭思話西討話令陰平太守蕭坦攻拔之賊退西水矣漢水又東合蘧蔭溪水北出就谷在長安西南其水南流逕巴谿戍西又南逕陽都坂東坂自上及下盤折十九曲西連寒泉嶺漢中記曰自西城涉黃金峭寒泉嶺陽都坂峻嶒百重絕壁萬尋既造其峯謂已踰崧岱復瞻前嶺又

倍過之言陟羊腸超煙雲之際顧看向塗杳然有不測之險山豐野牛野羊騰巖越嶺馳走若飛觸突樹木十圍皆倒山殫良岨地窮坎勢矣其水南歷蘧蔭溪謂之蘧蔭水而南流注于漢謂之蔭口漢水又東右會洋水川流漫闊廣幾里許洋水導源巴山東北流逕平陽城

漢中記曰本西鄉縣治也一清按寰宇記洋州西鄉縣有平西城後漢書班超平定西域有功封定遠侯晉置西鄉縣于此城方輿紀要云定遠城在西鄉縣治南後漢班超封邑也亦曰平西城晉志西鄉縣治平西城注作平陽城下自城固南城南文又云謂之城陽水口事義全乖矣

入三百八十里距南鄭四百八十里洋川者漢戚夫人之所生處也高祖得而寵之夫人思慕本鄉追求洋川

米帝為驛致長安蠲復其鄉更名曰縣故又目其地為

祥川用表夫人戴誕之休祥也全氏曰西鄉縣本晉置而戚夫人產定陶不聞

為蜀女胡三省曰道元好奇之過城即定遠矣漢和帝永元七年封班

超以漢中郡南鄭縣之西鄉為定遠侯即此也洋水又

東北流入漢謂之城陽水口也漢水又東歷敖頭舊立

倉儲之所傍山通道水陸嶮湊魏興安康縣治有戍統

領流雜漢水又東合直水水北出子午谷巖嶺下又南

枝分東注旬水又南逕蕤閣下山上有戍置于崇阜之

上下臨深淵張子房燒絕棧道示無還也又東南歷直

谷逕直城西而南流注漢漢水又東逕直城南又東逕

千渡而至蝦蟆頤歷漢陽漁口而屆于彭谿龍竈矣竝

溪澗灘磧之名也漢水又東逕晉昌郡之寧都縣南縣

治松溪口又東逕魏興郡廣城縣縣治王谷谷道南出

巴獠有鹽井食之令人瘦疾漢水又東逕魚脯谷口舊

西城廣城二縣指此谷而分界也

又東過西城縣南

漢水又東逕鰲池為鯨灘鯨大也蜀都賦曰流漢湯湯

驚浪雷奔望之天迴即之雲昏者也漢水又東逕嵐谷

北口嶂遠谿深澗峽嶮邃氣蕭蕭以瑟瑟風颼颼而颺

颺故川谷擅其目矣漢水又東右得大勢勢岨急谿故



亦曰急勢也依山為城城周二里在峻山上梁州督護  
 吉挹所治苻堅遣偏軍韋鍾伐挹挹固守二年不能下  
 無援遂陷漢水右對月谷口山有坂月川於中黃壤沃  
 衍而桑麻列植佳饒水田故孟達與諸葛亮書善其川  
 土沃美也漢水又東逕西城縣故城南地理志曰西城  
 故漢中郡之屬縣也漢末為西城郡建安二十四年劉  
 備以申儀為西城太守儀據郡降魏魏文帝改為魏興  
 郡治故西城縣之故城也氏略漢川梁州移治於此城  
 內有舜祠漢高帝廟置民九戶歲時奉祠焉漢水又東  
 為鱣湍洪波洿盪崩浪雲頽古者舊言有鱣魚奮鰭遡

流望濤直上至此則暴鯁失濟故因名湍矣漢水又東

合旬水水北出旬山一清按漢志旬陽縣北山旬水所出南入沔東南流逕

平陽戍下與直水枝分東注逕平陽戍入旬水旬水又

東南逕旬陽縣與柞水合水西出柞溪南流逕重巖堡

西屈而東流逕其堡南東南注于旬水旬水又東南逕

旬陽縣南縣北山有懸書崖高五十丈刻石作字人不

能上不知所述山下有石壇上有馬跡五所名曰馬跡

山旬水東南注漢謂之旬口漢水又東逕木蘭寨南右

岸有城名陵城一清按通鑑注曰晏公類要云伎陵城在金州洵陽縣庾仲雍漢水記即木蘭

寨此文疑周迴數里左岸壘石數十行重壘數十里中

落伎字

謂是處為木蘭寨云吳朝遣軍救孟達於此矣漢水又東左得有溪與晉旬陽二縣分界于是谷漢水又東合甲水口水出秦嶺山東南流逕金井城南又東逕上庸郡北與關柎水合水出上洛陽亭縣北清泥西山南逕陽亭聚西俗謂之平陽水南合豐鄉川水水出宏農豐鄉東山西南流逕豐鄉故城南京相璠曰南鄉漸縣有故豐鄉春秋所謂豐析也於地理志屬宏農今屬南鄉又西南合關柎水關柎水又南入上津注甲水甲水又東南逕魏興郡之興晉縣南晉武帝太康中立甲水又東右入漢水一清按漢志上維縣甲水出秦嶺山東南至錫入河過郡三行五百七十里漢

水又東為龍淵淵上有胡鼻山石類胡人鼻故也下臨龍井渚淵深數丈漢水又東逕魏興郡之錫縣故城北為白石灘縣故春秋之錫穴地也故屬漢中王莽之錫治也縣有錫義山方圓百里形如城四面有門上有石壇長十數丈世傳列仙所居今有道士被髮餌术恆數十人山高谷深多生薇蘅草其草有風不偃無風獨搖漢水又東逕長利谷南入谷有長利故城舊縣也漢水又東歷姚方蓋舜後枝居是處故地雷姚稱也

又東過堵陽縣堵水出自上粉縣北流注之全氏曰堵陽

屬縣也寰宇記云鄖鄉縣古錫穴縣東十里有兜牟山漢中郡與南陽郡分界處此是漢舊縣非唐初所置南豐州

之堵陽也兩漢志無上粉縣疑是曹魏暫置而旋廢者寰宇記房陵縣有粉城因粉水爲名疑卽上粉縣故城此經文晚出之證

堵水自建平郡界故亭谷東歷新城郡

一清按寰宇記云堵水出金州

平利縣黃平原嶺下圖經云竹山縣郭帶堵水水通漢江舟船往來商賈所湊平利縣漢爲漢中郡西城縣地晉上庸郡之上廉縣也堵水源出于此宋書州郡志云建平太守吳孫休永安三年分宜都立晉又有建平都尉武帝咸寧元年改都尉爲郡於是吳晉各有郡故漢建平郡太康元年吳平併合堵水蓋經其界也中之房陵縣也世祖建武元年封鄧晨爲侯國也漢末以爲房陵郡魏文帝合房陵上庸西城立以爲新城郡以孟達爲太守治房陵故縣有粉水縣居其上故曰上粉縣也堵水之旁有別谿岸側土色解黃乃云可噉有

言飲此水者令人無病而壽豈其信乎又有白馬山山石似馬望之逼真側水謂之白馬寨孟達爲守登之而歎曰劉封申耽據金城千里而更失之乎爲上堵吟音韻哀切有側人心今水次尙歌之堵水又東北逕上庸郡故庸國也春秋文公十六年楚人秦人巴人滅庸庸小國附楚楚有災不救舉羣蠻以叛故滅之以爲縣屬漢中郡漢末又分爲上庸郡城三面際水堵水又東逕方城亭而東北歷崇山下而北逕堵陽縣南北流注于漢謂之堵口漢水又東謂之澇灘冬則水淺而下多大石又東爲淨灘夏水急盛川多湍洑行旅苦之故諺曰

冬澇夏淨斷官使命言二灘阻礙也

又東過鄖鄉縣南

一清按漢志漢中郡長利縣有鄖關東京省併錫縣故續志無之晉太康五年

立為鄖鄉縣此魏晉間人續經之證又按三國志蜀書劉封申儀俱封員鄉侯則其時雖未立縣而已為侯邑矣

漢水又東逕鄖鄉縣南之西山上有石蝦蟇倉卒看之

與真不別山北有崖旁視之有一穴甚明號為星牖漢

水又東逕鄖鄉縣故城南謂之鄖鄉灘縣故黎也即長

利之鄖鄉矣地理志曰有鄖關李奇以為鄖子國晉太

康五年立以為縣漢水又東逕琵琶谷口梁益二州分

境於此故謂之琵琶界也

又東北流又屈東南過武當縣東北

縣西北四十里漢水中有州名滄浪州庾仲雍漢水記

謂之千齡州非也是世俗語訛音與字變矣地說曰水

出荆山東南流為滄浪之水是近楚都故漁父歌曰滄

浪之水清兮可以濯我纓滄浪之水濁兮可以濁我足

余按尚書禹貢言導漾水東流為漢又東為滄浪之水

不言過而言為者明非他水決入也蓋漢沔水自下有

滄浪通稱耳纏絡鄖郢地連紀都咸楚都矣漁父歌之

不違水地按考經傳宜以尚書為正耳漢水又東為佷

子潭潭中有石磧州長六十丈廣十八丈世亦以此州

為佷子葬父於斯故潭得厥目焉所未詳也漢水又東

南逕武當縣故城北世祖封鄧晨子堂為侯國內有一碑文字磨滅不可復識俗相傳言是華君銘亦不詳華君何代之士漢水又東平陽川水注之水出縣北伏親山南歷平陽川逕平陽故城下又南流注于河河水又東南逕武當縣故城東又東會水注之水導源縣南武當山一日太和山亦曰叅上山山形特秀又曰仙室荊州圖副記曰山形特秀異于衆嶽峯首狀博山香爐亭亭遠出藥食延年者萃焉晉咸和中歷陽謝允舍羅邑宰隱遁斯山故亦曰謝羅山會水發源山麓逕越山陰東北流注于河謂之會口河水又東逕龍巢山下山在

河水中高十五丈廣員一里二百三十步山形峻峭其上秀林茂木隆冬不凋又東南逕涉都城東北故鄉名也按郡國志筑陽縣有涉都鄉者也漢武帝元封元年封南海守降侯子嘉為侯國均水于縣入河謂之均口也

又東南過鄮縣之西南

縣治故城南臨河水謂之鄮頭漢高帝五年封蕭何為侯國也薛瓚曰今南鄉鄮頭是也茂陵書曰在南陽王

莽更名南庚者也

一清按史表索隱曰音贊縣名屬沛漢書高帝紀注臣瓚曰茂陵書何封

國在南陽鄮音贊師古曰瓚說是也而或云何封沛郡鄮縣音才何反非也按地理志南陽鄮縣侯國沛鄮縣

不云侯國也又南陽鄧縣城西見有蕭何廟彼土又有  
 筑水筑水之陽古曰筑陽縣與鄧側近連接據何本傳  
 何薨之後子祿無嗣高后封何夫人同為鄧侯小子延  
 為筑陽侯孝文罷同更封延為鄧侯是知何封鄧國兼  
 得筑陽此明驗也但鄧字別有鄧音是以沛之鄧縣史  
 記漢書皆作鄧明其音同也班固泗水亭碑以蕭何相  
 國所封與何同韻于義無爽然其封邑實在南陽非沛  
 縣也杜少陵詩云漢陰槎頭遠遁逃又云漫釣槎頭縮  
 項編槎頭即鄧頭也亦作才何音矣

又南過穀城東又南過陰縣之西

泗水東逕穀城南而不逕其東矣城在穀城山上春秋  
 穀伯綏之邑也墉闐頽毀基塹亦存泗水又東南逕陰  
 縣故城西故下陰也春秋昭公十九年楚工尹赤遷陰  
 于下陰是也縣東有縣令濟南劉熹字德怡魏時宰縣

雅好博古教學立碑載生徒百有餘人不終業而夭者

因葬其地號曰生墳泗水又東南得洛溪口水出縣西

北集池陂東南流逕洛陽城北枕洛溪谿水東南注泗

水也一清按高洪謨穀城縣志云洛陽城在縣東一十  
 三里莫詳何人所築遺址尚存顧祖禹曰蓋南北

朝時所  
 僑置

又南過筑陽縣東筑水出自房陵縣東過其縣南流注之

泗水又南汎水流注之水出梁州閬陽縣魏遣夏侯淵

與張郃下巴西進軍宕渠劉備軍汎口即是水所出也

一清按寰宇記房州房陵縣下引水經注汎水作筑水  
 汎口作筑口校勘為之辨證曰按今記房陵穀城二縣  
 所載則筑水自房陵流至穀城入泗其會泗處謂之筑  
 口穀城即漢之筑陽距房陵尚三百餘里又自房陵至

南鄭千二百餘里夏侯淵張郃屯漢中數暴犯巴界先  
 主令張飛進兵宕渠與郃等戰于瓦口郃等敗收兵還  
 南鄭漢宕渠故城乃在今渠州流江縣界時張飛以巴  
 西太守拒郃等還南鄭則當取道今巴西無緣相拒于  
 穀城之筑口意宕渠自有瓦口而水經注誤以為沱口  
 今記又誤以為筑口也宋書州郡志閬陽屬新城郡郡  
 治房陵去閬陽必不遠沱水不應自閬陽東過巴西更  
 歷巴渠上庸復逕筑陽水經之誤審矣筑口沱水皆當  
 在穀城之間竊謂校勘之言似是而非也蓋張飛自拒  
 淵郃于宕渠先主軍沱口以為聲援非張飛與戰于是  
 處也沱口左接巴西故駐軍以應接之蜀志之瓦口乃  
 是沱口之誤而樂史之改筑口則又非矣隋書五代志  
 房陵郡永清縣有沱水方輿紀要云乾沱河在穀城西  
 南三里或以為即沱水也今故流漸湮漢江水漲則乾  
 沱河與古洋河相通水落則乾因名又云古洋河即筑  
 水口蓋沱水與筑水同入于沱故晉分筑陽置沱陽也  
 宋志扶風太守沱陽令晉武帝太康五年張飛自別道  
 立屬南鄉仍屬順陽大明土斷屬此是也

襲張郃於此水郃敗棄馬升山走還漢中  
一清按方輿紀要云順慶

府渠縣漢巴郡宕渠縣地東北七里有八濛山入峯起  
 伏其下平曠江水環之不匝者一里常有烟霧濛其上  
 山下有勒石云漢將張飛大破賊首張郃於八濛山飛  
 所自題也江即渠江則沱水亦是渠江之支流入濛山  
 即張飛傳所云宕渠蒙頭盪石是也

庸東逕沱陽縣故城南晉分筑陽立自縣以上山深水

急枉渚崩湍水陸徑絕又東逕學城南梁州大路所由

也舊說昔者有人立學都於此值世荒亂生徒罔依遂

共立城以禦難故城得厥名矣沱水又東流注于沱謂

之沱口也沱水又南逕闕林山東本郡陸道之所由山

東有二碑其一即記闕林山文曰君國者不躋高堙下

先時或斷山岡以通平道民多病守長冠軍張仲瑜乃

與邦人築斷故山道作此銘其一郭先生碑先生名輔  
字甫成有孝友悅學之美其女為立碑於此隸釋郭先生碑先生

諱輔字甫成其先出自有周王季之中子為文王卿士  
采食于號皇弓武王錫而封之後世謂之郭春秋之時  
為晉所并遭戰國秦漢子孫流分來居荆土氏國立姓  
焉傳云聖賢之後必有達者先生應焉其少也孝友而  
悅學其長也寬舒如好施是以宗親歸懷鄉鄰高尚直  
已而行年五十有二遇疾而終有四男三女咸高賢姣  
嬈富貴顯榮可謂子孫繁者已其季女明文穎川之夫  
人也感惟孝妣克昌之德登山采石致亏墓道邑人縉  
紳刻石作歌昭示來嗣其辭曰實惟先生號仲之裔盛  
德遺祀休矣亦世孝友貞信仁恕好惠直己自求不欲  
榮勢綽綽令人獲道之望篤生七子鍾天之社堂堂四  
俊碩大婉敏娥娥三妃行迨大姒葉葉昆嗣福祿茂止  
克昌厥後身去烈左鐫石佗歌昭示萬祀洪氏适日碑  
今在襄陽無歲月時代歐陽以為漢趙以為魏晉字書  
今碑有兩昭字晉人所諱疑此是魏刻郭君有四子碑  
云堂堂四俊碩大婉敏而此碑乃其季女所立何也

竝無年號皆不知何代人也河水又南逕筑陽縣東又

南筑水注之杜預以為彭水也水出梁州新城郡魏昌

縣界縣以黃初中分房陵立一清按晉志新城郡有昌

也而三國志魏明帝紀筑水東南流逕筑陽縣水中有

孤石挺出其下澄潭時有見此石根如竹根而黃色見

者多凶相與號為承受石所未詳也筑水又東逕筑陽

縣故城南縣故楚附庸也秦平鄢郢立以為縣一清按

陽郡筑陽縣故穀伯國春秋桓公七年書穀伯綏來朝

是也穀是伯爵蓋近楚之國非楚附庸也道元誤矣

王莽更名之曰宜禾也建武元年世祖封吳盱為侯國

一清按後漢書吳漢傳盱封亦在建武二十筑水又東



流注于河謂之筑口河水又南逕高亭山東山有靈焉  
士民奉之所請有驗河水又東為漆灘新野郡山都縣  
與順陽筑陽分界於斯灘矣

又東過山都縣東北

河南有固城城側河川即新野山都縣治也舊南陽之  
赤鄉矣秦以為縣漢高后四年封衛將軍王恬啓為侯  
國河北有和城即郡國志所謂武當縣之和城聚山都  
縣舊嘗治此故亦謂是處為故縣灘河水北岸數里有  
大石激名曰五女激或言女父為人所害居固城五女  
思復父怨故立激以攻城城北今淪於水亦云有人葬

河北墓宅將為水毀其人五女無男皆悉巨富共修此  
激以全墳宅然激作甚工又云女嫁於陰縣恨子家貲  
萬金而自小小不從父語父臨亡意欲葬山上恐兒不  
從故命言葬我著渚下石磧上恨子曰我由來不奉教  
今從語遂盡散家財作石冢積土繞之成一洲長數百  
步元康中始為水所壞今石皆如半榻許數百枚聚在  
水中恨子是前漢人襄陽太守胡烈有惠化補塞隄決  
民賴其利景元四年九月百姓刊石銘之樹碑于此河  
水又東偏淺冬月可涉渡謂之交湖兵戎之交多自此  
濟晉太康中得鳴石于此水撞之聲聞數里河水又東

逕樂山北昔諸葛亮好為梁甫吟每所登遊故俗以樂山為名沔水又東逕隆中歷孔明舊宅北亮語劉禪云先帝三顧臣于草廬之中咨臣以當世之事即此宅也車騎沛國劉季和之鎮襄陽也與犍為人李安共觀此宅命安作宅銘云天子命我于沔之陽聽鼓鞀而永思庶先哲之遺光後六十餘年永平之五年習鑿齒又為其宅銘焉

水經注釋卷二十七終

水經注釋卷二十八

仁和趙一清誠夫錄

沔水下

沔水又東過襄陽縣北

沔水又東逕方山北

一清按初學記太平御覽引注文作萬山元和郡縣志寰宇記並是

萬字廣韻集韻同萬傳寫作方也山上有鄒恢碑沈氏曰晉書鄒恢鎮襄陽得民和鄒恢疑是鄒恢魯宗之所立也山下潭中有杜元凱碑元凱好

尚後名作兩碑竝述已功一碑沈之峴山水中一碑下之於此潭曰百年之後何知不深谷為陵也山下水曲之隈云漢女昔遊處也故張衡南都賦曰遊女弄珠於

漢臯之曲漢臯卽方山之異名也沔水又東合檀谿水  
 水出縣西柳子山下東爲鴨湖湖在馬鞍山東北武陵  
 王愛其峯秀改曰望楚山谿水自湖兩分北渠卽谿水  
 所導也北逕漢陰臺西臨流望遠按眺農圃情邈灌蔬  
 意寄漢陰故因名臺矣又北逕檀谿謂之檀谿水水側  
 有沙門釋道安寺卽谿之名以表寺目也谿之陽有徐  
 元直崔州平故宅悉人居故習鑿齒與謝安書云每省  
 家舅縱目檀谿念崔徐之交未嘗不撫膺躊躇惆悵終  
 日矣谿水傍城北注昔劉備爲景升所謀乘的顛馬西  
 走墜于斯谿西去城里餘北流注于沔一水東南出應

劭曰城在襄水之陽故曰襄陽也是水當卽襄水也

清一

按樂史曰荆楚之地水駕山而上者皆呼爲襄其名無定故陸澄之地記曰襄陽無襄水也

城北枕

沔水卽襄陽縣之故城也王莽之相陽矣楚之北津戍

也今大城西壘是也其土古鄢都盧羅之地秦滅楚置

南郡號此爲北部焉建安十三年魏武平荊州分南郡

立爲襄陽郡荊州刺史治邑居隱賑冠蓋相望一都之

會也城南門道東有三碑一碑是晉太傅羊祜碑一碑

是鎮南將軍杜預碑一碑是安南將軍劉儼碑竝是學

生所立城東門外二百步劉表墓太康中爲人所發見

表夫妻其尸儼然顏色不異猶如平生墓中香氣遠聞

三四里中經月不歇今墳冢及祠堂猶高顯整頓城北枕沔水水中常苦蛟害襄陽太守鄧遐負其氣果拔劍入水蛟繞其足遐揮劍斬蛟流血丹水自後患除無復蛟難矣昔張公遇害亦亡劍于是水後雷氏為建安從事逕踐瀨溪所畱之劍忽于其懷躍出落水初猶是劍後變為龍故吳均劍騎詩云劍是兩蛟龍張華之言不孤為驗矣庾林曰茂先遇害在維安得亡劍沔流考雷次宗豫章記曰張公遇害劍飛入襄城水中郡國志曰南郡在雒陽南千五百里有襄陽縣潁川在雒陽東南五百里有襄城縣酈氏蓋誤以襄城水為襄陽水也何氏曰道元與吳均同時安得引用其詩疑此書後人附益者多矣一清按南史吳均傳天監初柳惲為吳興召補主簿當道元之時均名位尚輕文字未必遂行江外義門之言可謂精審矣沔水又逕

平魯城南城魯宗之所築也故城得厥名矣

全氏曰城係宗之所

築然則何以云平魯也或是宗之北奔後劉宋以此名之東對樊城仲山甫所封也全氏曰仲山甫所封之樊在河內所謂陽樊者也非此樊也此城因樊山為名漢晉春秋稱桓

帝幸樊城百姓莫不觀有一老父獨耕不輟議郎張溫使問焉父笑而不答溫因與之言問其姓名不告而去城周四里南半淪水建安中關羽圍于禁于此城會沔水泛溢三丈有餘城陷禁降龐惠奮劍乘舟投命于東岡魏武曰吾知于禁三十餘載至臨危授命更不如龐惠矣城西南有曹仁記水碑杜元凱重刊其後書伐吳之事也

又從縣東屈西南涓水從北來注之

襄陽城東有東白沙白沙北有三洲東北有宛口

一清按通

典樊城有宛水故有宛口之名

即涓水所入也沔水中有魚梁洲龐德

公所居士元居漢之陰在南白沙世故謂是地為白沙

曲矣司馬德操宅洲之陽望衡對宇懽情自接泛舟襄

裳率爾休暢豈待還桂柁于千里貢深心于永思哉水

南有層臺號曰景升臺蓋劉表治襄陽之所築也言表

盛遊于此常所止憩表性好鷹嘗登此臺歌野鷹來曲

其聲韻似孟達上堵吟矣沔水又逕桃林亭東又逕峴

山東山上有桓宣所築城孫堅死于此又有桓宣碑羊

祐之鎮襄陽也與鄒潤甫嘗登之及祐薨後人立碑於

故處望者悲感杜元凱謂之墮淚碑山上又有征南將

軍胡羆碑又有征西將軍周訪碑山下水中杜元凱沈

碑處沔水又東南逕蔡洲漢長水校尉蔡瑁居之故名

蔡洲洲東岸西有洄湖停水數十畝長數里廣減百步

水色常淥楊儀居上洄楊顥居下洄

一清按松陵集皮日休答陸龜蒙讀

襄陽耆舊傳詩云偉哉洄上隱卓爾隆中耨即指儀顥

所居之地集韻洄烏猛切音管郭璞江賦泓泫洄潏李

善註曰水勢回旋之貌與洄字義同而聲畫殊也豈唐

人所見之耆舊傳作洄字耶又按武昌縣有大小洄乃

大江回曲處元次山有歌曰樊水欲東流大江又北來

樊山當其南此中為大回叢石橫大江人云是釣臺水

石相衝擊此中為與蔡洲相對在峴山南廣昌里又與

襄陽湖水合水上承鴨湖東南流逕峴山西又東南流注白馬陂水又東入侍中襄陽侯習郁魚池郁依范蠡養魚法作大陂陂長六十步廣四十步池中起釣臺池北亭郁墓所在也列植松篁于池側沔水上郁所居也又作石狀逗引大池水於宅北作小魚池池長七十步廣二十步西枕大道東北二邊限以高隄楸竹夾植蓮芡覆水是遊宴之名處也山季倫之鎮襄陽每臨此池未嘗不大醉而還恆言此是我高陽池故時人為之歌曰山公出何去往至高陽池日暮倒載歸酩酊無所知其水下入沔沔水西又有孝子墓河南秦氏性至孝事

親無倦親沒之後負土成墳常泣血墓側人有咏蓼莪者氏為泣涕悲不自勝于墓所得病不能食虎常乳之百餘日卒今林木幽茂號曰孝子墓也其南有蔡瑁冢冢前刻石為大鹿狀甚大頭高九尺制作甚工沔水又東南逕邑城北習郁襄陽侯之封邑也故曰邑城矣沔水又東合洞口水出安昌縣故城東北大父山西南流謂之白水又南逕安昌故城東屈逕其縣南縣故蔡陽之白水鄉也漢元帝以長沙卑溼分白水上唐二鄉為春陵縣光武即帝位改為章陵縣置園廟焉魏黃初二年更從今名故義陽郡治也

一清按漢志汝南郡安昌南陽郡春陵本二縣也晉

志云武帝平吳分南陽置義陽郡地形志云義陽郡魏文帝置後罷晉武帝復寰宇記云義陽郡居安昌城又云石城山甚高峻即呂氏春秋九塞之一也晉于山上置義陽郡其故城在今信陽州西北七十里春陵續志有晉志無時則省廢矣章陵太守見魏書劉表傳注魏武之擅荆州拜蒯越為章陵太守復叛為張繡是也逮紀亦云建安二年南陽章陵諸縣復叛為張繡是也逮平荆州得其地嘗以趙儼為章陵太守而後無聞顧景范曰章陵曹魏時省入蔡陽水經注魏黃初二年更章陵為安昌縣誤也雖然猶有說西魏嘗置安昌郡并春陵縣于此蓋道元身後之事然則此文又是後來不學人所填補故迷繆其詞以拓跋為當塗也

又西南流而左會昆水水導源城東南小山西流逕金山

山北一清按金山見淮水注又西南流逕縣南西流注于白水水

北有白水陂其陽有漢光武故宅基址存焉所謂白水鄉也蘇伯阿望氣處也光武之征秦豐幸舊邑置酒極

權張平子以為真人南巡觀舊里焉東觀漢記曰明帝幸南陽祀舊宅召校官子弟作雅樂奏鹿鳴上自御塤

箎和之以娛賓客又于此宅矣白水又西合澧水水出于襄鄉東北陽中山西逕襄鄉縣之故城北按郡國志

是南陽之屬縣也澧水又西逕蔡陽縣故城東西南流注于白水又西逕其城南建武十六年世祖封城陽王

社世子本為侯國沈氏曰范史是十三年封應劭曰蔡水出蔡陽東

入淮一清按自洞口以下所合之昆水見汝水篇定陵縣下澧水見上卷陽平關下此又以蔡水當白水蔡水見泚水篇三水各有源流不得如酈所云今于此城南更無別水唯是水

可以當之川流西注苦其不東且淮源岨礙山河無相

入之理蓋應氏之誤耳

一清按道元之言誤矣蓋仲瑗所謂入淮之淮卽下經文出房

陵淮山之淮漢中廬故城在今襄陽府南漳縣東五十里蔡陽故城在棗陽縣西六十里二城相距不遠自有可達之勢今注云云直誤認作出桐洞水又西南流注

于沔水

又東過中廬縣東淮水自房陵縣淮山東流注之

縣卽春秋廬戎之國也縣故城南有水出西山山有石

穴出馬謂之馬穴山漢時有數百匹馬出其中馬形小

似巴滇馬三國時陸遜攻襄陽于此穴又得馬數十匹

送建業蜀使至有家在滇池者識其馬毛色云其父所

乘馬對之流涕

一清按劉昭郡國志補注引襄陽耆舊傳云蜀使有五部兵家滇池者識其馬

色云亡父所乘對之流涕其水東流一百四十里逕城南名曰浴馬

港言初得此馬洗之于此因以名之亦云乘出沔次浴

之又曰洗馬廢渡沔宿處名之曰騎亭然候水諸蠻北

邊是水南壅淮川以周田漑下流入沔沔水東南逕黎

邱故城西其城下對繕洲秦豐居之故更名秦洲王莽

之敗也秦豐阻兵于黎邱黎邱城在觀城西二里建武

三年光武遣征南岑彭擊豐四年朱祐自觀城擒豐于

黎邱是也沔水又南與疎水合水出中廬縣西南東流

至邵縣北界東入沔水謂之疎口也水中有物如三四

歲小兒鱗甲如鯪鯉射之不可入七八月中好在磧上



自曝膝頭似虎掌爪常沒水中出膝頭小兒不知欲取  
弄戲便殺人或曰人有生得者摘其臯厭可以小使名

為水虎者也朱氏謀埠箋曰孫汝澄云臯厭者水虎之勢也可為媚藥善使內也一清按董斯張

吹景集曰陶隱居刀劍錄漢章帝建初八年鑄一金劍

投伊水中厭人膝之怪引水經語亦與今文小異今伊

水轉為疎水未詳摘其鼻句厭字屬下即厭勝之厭也

太平御覽引十道記云疎水亦名襄水襄沔記云中廬

有疎水注于沔此水有物啖人名曰水虎生得者摘其

鼻可小使之然則疎者疎之誤也荆州記生得者摘其

其鼻厭可小小使名曰水廬合諸書語益明孫云媚藥

何据使云者如黃公之制蛇御虎也又山海經云蔓渠

之山伊水出焉有獸焉名曰馬腹其狀如人而虎身其

音如嬰兒是食人水唐之為馬腹審哉海外經云聶耳

國使兩文虎黑齒國食稻使蛇大荒經為國中容白民

之國俱使四鳥虎豹熊司幽黑齒元股三身張宏毛

民之國俱使四鳥讀此可得使字之義矣遐周之言甚

辯今考古今刀劍錄云漢章帝建初八年鑄一金劍投

伊水中厭人膝之怪水經注中廬縣疎水中有物如三

四歲小兒鱗甲如鯪鯉膝頭似虎掌爪常沒水中出膝

頭小兒不知欲取戲弄便殺人名為水唐形狀與馬服

類蓋陶惟以水唐釋馬服非便謂疎水即伊水也竊更

有疑者按史陶以宋孝建三年生梁太清二年卒年八

時拓拔氏已分為二道元以孝昌二年被害距通明之

又南過即縣東北

沔水之左有騎城周迴二里餘高一丈六尺即騎亭也

縣故楚邑也秦以為縣漢高帝十一年一清按漢書高

十二年封黃極忠為侯國縣南有黃家墓墓前有雙石闕

彫制甚工俗謂之黃公闕黃公名尚為漢司徒沔水又

東逕豬蘭橋橋本名木蘭橋橋之左右豐蒿荻于橋東

劉季和大養豬襄陽太守曰沈氏曰當作襄陽太守劉

劉宏晉陽秋字叔和襄陽耆舊傳作季此中作豬屎臭

和晉書本傳又云字和季疑為非也

可易名豬蘭橋百姓遂以為名矣橋北有習郁宅宅側

有魚池池不假功自然通洫長六七十步廣十丈常出

名魚沔水又南得木里水會楚時于宜城東穿渠上口

去城三里漢南郡太守王寵又鑿之引蠻水灌田謂之

木里溝逕宜城東而東北入于沔謂之木里水口也

又南過宜城縣東夷水出自房陵縣東流注之

夷水蠻水也桓溫父名夔改曰蠻水夷水導源中廬縣

界康狼山山與荆山相鄰其水東南流歷宜城西山謂

之夷谿又東南逕羅川城故羅國也又謂之鄢水春秋

所謂楚人伐羅渡鄢者也夷水又東南流與零水合零

水即沔水也上通梁州沔陽縣之默城山司馬懿出沮

之所由其水東逕新城郡之沔鄉縣縣分房陵立謂之

沔水又東歷軫鄉謂之軫水晉武帝平吳割臨沮之北

鄉中廬之南鄉立上黃縣治軫鄉沔水又東歷宜城西

山謂之沔谿東流合於夷水謂之沔口也與夷水亂流

東出謂之淇水逕蠻城南城在宜城南三十里春秋莫

敖自羅敗退及鄢亂次以濟淇水是也一清按今本左傳作及鄢亂次

以濟遂無次陸德明音義曰本或作亂次以濟其水九

域志宜城縣有淇水鎮又刪定元豐九域志南漳縣有

漳水沮水淇水鄢水是知夷水又東注于沔昔白起攻

楚引西山長谷水卽是水也舊場去城一百許里水從

城西灌城東入注爲淵今熨斗陂是也水潰城東北角

百姓隨水流死於城東者數十萬城東皆臭因名其陂

爲臭池後人因其渠流以結陂田城西陂謂之新陂覆

地數十頃西北又爲土門陂從平路渠以北木蘭橋以

南西極土門山東跨大道水流周通其水自新陂東入

城城故鄢郢之舊都秦以爲縣漢惠帝三年改曰宜城

其水歷大城中逕漢南陽太守秦頡墓北墓前有二碑

頡都人也以江夏都尉出爲南陽太守全氏曰都尉非

出乎此後人所妄加者逕宜城中見一家東向頡住車視之曰此

居處可作冢後卒於南陽一清按後漢書靈帝紀中平

殺南陽太守秦頡喪還至昔住車處車不肯進故吏爲

蓋死于兵亂也復蓋刪削之未盡

市此宅葬之孤墳尚整冢前有二碑一清按五字與上

者城南有宋玉宅玉邑人雋才辯給善屬文而識音也

其水又逕金城前縣南門有古碑猶存其水又東出城

東注臭池臭池溉田陂水散流又入朱湖陂朱湖陂亦

下灌諸田餘水又下入木里溝木里溝是漢南郡太守王寵所鑿故渠引鄢水也灌田七百頃白起渠溉三千頃膏良肥美更爲沃壤也縣有太山山下有廟漢末名士居其中刺史二千石卿長數十人朱軒華蓋同會于廟下荊州刺史行部見之雅歎其盛號爲冠蓋里而刻石銘之此碑于永嘉中始爲人所毀其餘文尚有可傳者其辭曰峩峩南岳烈烈離明實敷儻又君子以生惟此君子作漢之英德爲龍光聲化鶴鳴此山以建安三年崩聲聞五六十里雉皆屋雒縣人惡之以問侍中龐季云山崩川竭國土將亡之占也十三年魏武平荊州

河南彫散沔水又逕都縣故城南古都子之國也秦楚之間自商密遷此爲楚附庸楚滅之以爲邑縣南臨沔津津南有石山上有古烽火臺縣北有大城卽楚昭王爲吳所迫自紀郢徙都之所謂鄢都盧羅之地也秦以爲縣沔水又東敖水注之水出新市縣東北又西南逕大陽山西南流逕新市縣北又西南而右合枝水水出大洪山而西南流逕襄陽都縣界西南逕狄城東南左

注敖水名勝志承天府鍾祥縣下引水經云沔水又東

之目石倉自釋云按豐樂河源出大洪山西北流逕盤

石嶺溉田甚廣民賴以豐故名敖水源出黃仙洞西南

流合枝水卽今之直河也枝水出橫嶺西北流逕古郡

縣又西南逕狄城西左注敖水所敘最爲詳析足補是

注之亡方輿紀要亦云直河俗誤作池河志云池河即水經所載枝水也敖水又西南流注

于沔是曰敖口沔水又南逕石城西城因山為固晉太

傅羊祜鎮荊州立晉惠帝元康九年分江夏西部置竟

陵郡治此沔水又東南與白水合水出竟陵縣東北聊

屈山一名盧屈山西流注于沔魯定公四年吳師入郢

昭王奔隨濟于成曰謂是水者也

### 又東過荊城東

沔水自荊城東南流逕當陽縣之章山東山上有故城

太尉陶侃伐杜會所築也禹貢所謂內方山至於大別

者也既濱帶沔流實會尚書之文矣

一清按漢志江夏郡竟陵縣章山在

東北古文以為內方山

沔水又東右會權口水出章山東南流逕

權城北古之權國也春秋魯莊公十八年楚武王克權

權叛圍而殺之遷權于那處是也

一清按左傳是鬬緡以權叛楚子圍而殺

之叛與殺者皆緡也今注云云殊失本旨且事亦非在莊公十八年左氏特為巴人伐楚作緣起耳東南

有那口城權水又東入于沔沔水又東南與揚口合水

上承江陵縣赤湖江陵西北有紀南城楚文王自丹陽

徙此平王城之班固言楚之郢都也

沈氏曰荊州記云昭王十年吳通漳

水灌紀南城決赤湖進灌郢城是紀南城郢城為二也

一清按史記索隱楚都郢今江陵北紀南城是平王更城郢今江陵東北故郢城是楚子革曰我先君僻處荆

山以供王事遂遷紀郢郢與紀南為二城明矣而紀南本號郢酈注亦未盡非

城西南有赤坂岡岡下有瀆水東北流入

城名曰子胥瀆蓋吳師入郢所開也謂之西京湖又東北出城西南注于龍陂古天井水也廣圓二百餘步在靈谿東江隄內水至淵深有龍見于其中故曰龍陂陂北有楚莊王釣臺高三丈四尺南北六丈東西九丈陂水又逕郢城南東北流謂之揚水又東北路白湖水注之湖在大港北港南曰中湖南隄下曰昏官湖三湖合爲一水東通荒谷荒谷東岸有冶父城春秋傳曰莫敖縊于荒谷羣帥囚于冶父謂此處也春夏水盛則南通大江否則南迄江隄北逕方城西方城卽南蠻府也又北與三湖會故盛宏之曰南蠻府東有三湖源同一水

蓋徙治西府也宋元嘉中通路白湖下注揚水以廣漕運揚水又東歷天井北井在方城北里餘廣員二里其深不測井有潛室見輒兵西岸有天井臺因基舊隄臨際水湄遊憩之佳處也揚水又東北流東得赤湖水口湖周五十里城下陂池皆來會同湖東北有大暑臺高六丈餘縱廣八丈一名清暑臺臺秀宇層明通望周博遊者登之以暢遠情揚水又東入華容縣有靈溪水西通赤湖水口已下多湖周五十里城下陂池皆來會同又有子胥瀆蓋入郢所開也水東入離湖湖在縣東七十五里國語所謂楚靈王闕爲石郭陂漢以象帝舜者

也一清按此是外傳吳語之文湖側有章華臺臺高十丈基廣十五

丈左邱明曰楚築臺于章華之上韋昭以為章華亦地

名也王與伍舉登之舉曰臺高不過望國之氛祥大不

過容宴之俎豆蓋譏其奢而諫其失也全氏曰下言此有脫文

瀆靈王立臺之日漕運所由也其水北流注于揚水揚

水又東北與柞谿水合水出江陵縣北蓋諸池散流咸

所會合積以成川東流逕魯宗之壘南當驛路水上有

大橋隆安三年桓元襲殷仲堪于江陵仲堪北奔縊于

此橋柞谿又東注船官湖湖水又東北入女觀湖湖水

又東入于揚水揚水又北逕竟陵縣西又北納巾吐柘

柘水即下揚水也巾水出縣東一百九十里西逕巾城

下城下置巾水戌晉元熙二年竟陵郡上巾水戌山得

銅鐘七日言之上府巾水又西逕竟陵縣北西注揚水

謂之巾口水西有古竟陵大城古鄖國也鄖公辛所治

所謂鄖鄉矣昔白起拔鄖東至竟陵即此也秦以為縣

王莽之守平矣世祖建武十三年更封劉隆為侯國城

傍有甘魚陂左傳昭公十三年公子黑肱為令尹次于

魚陂者也揚水又北注于沔謂之揚口中夏口也曹太

祖之追劉備於當陽也張飛按矛于長坂備得與數騎

邪趣漢津遂濟夏口是也沔水又東得澹口其水承大

水

漚馬骨諸湖水周三四百里及其夏水來同浩若滄海  
洪潭巨浪縈連江沔故郭景純江賦云其傍則有朱漚  
丹灤是也

又東南過江夏雲杜縣東夏水從西來注之

卽睹口也

一清按寰宇記沔陽縣下云周地圖經云夏水合潏水同入漢水自漢入潏名爲七里汙

卽屈原逢漁父與言濯纓鼓枻而去是此地全祖望曰按夏水決入之地曰睹口非有睹水也而記又引荊州圖副及盛宏之說則亦不以爲中夏水縣故邳亭左傳爲有水名潏也互見夏水篇

所謂若敖娶于邳是也禹貢所謂雲土夢作又故縣取

名焉縣有雲夢城城在東北沔水又東逕左桑昔周昭

王南征船人膠舟以進之昭王渡沔中流而沒死于是

水齊楚之會齊侯曰昭王南征而不復寡人是問屈完

曰君其問諸水濱庾仲雍言村老云百姓佐昭王喪事

於此成禮而行故曰佐喪左桑字失體耳沔水又東合

巨亮水口水北承巨亮湖南達于沔沔水又東得合驛

口庾仲雍言須導村耆舊云朝廷驛使合王喪于是因

以名焉今須導村正有大斂口言昭王于此殯斂矣沔

水又東謂之橫桑言得昭王喪處也沔水又東謂之鄭

潭言鄭武公與王同溺水於是余謂世數旣懸爲不近

情矣斯乃楚之鄭鄉守邑大夫僭言公故世以爲鄭公

潭耳全氏曰同死者是祭公此或以鄭丹遺愛得名沔水又東得死沔言昭王



濟自是死沔故有死沔之稱王尸豈逆流乎但千古茫  
昧難以昭知推其事類似是而非矣全氏曰死沔之死亦如死汝死過死

沙死穀之類皆水之枯者沔水又東與力口合有洩水出竟陵郡新

陽縣西南河地山一清按河地山字誤方輿紀要承天府沔陽州景陵縣東北七十五里有

回河自府北池河分流經此又東南入于沔水景陵楚

竟陵邑漢屬江夏郡晉末分置宵城縣回河即洩水也

洩回聲相近又府北十五里有直河俗呼為池河源

出大洪山山在京山縣北二十里京山前漢為雲杜安

陸二縣地後漢為雲杜南新市二縣地晉惠帝時析置

新陽縣屬竟陵郡然則池河山即大洪山直河即枝水

也今本誤寫池為地又倒互池河作河地遂難通曉耳

寰宇記郢州京山縣南有泗水云在縣東四十里東入

復州竟陵界泗河亦即池河之誤道

元洙水篇注云泗或作池字可證也

東流逕新陽縣南

縣治雲杜故城分雲杜立洩水又東南流注宵城縣南

大湖又南入于沔水是曰力口沔水又東南湏水入焉

沔水又東逕沌水口水南通沔陽縣之太白湖湖水東

南通江又謂之沌口沔水又東逕沌陽縣北處沌水之

陽也沔水又東逕林鄣故城北一清按林鄣亦作臨嶂

也有臨嶂山在漢陽府西六十里層山臨江盤基數十

又南至江夏沙羨縣北南入于江

庾仲雍曰夏口一曰沔口矣尙書禹貢云漢水南至大

別入江春秋左傳定公四年吳師伐郢楚子常濟漢而

陳自小別至于大別京相璠春秋土地名曰大別漢東

山名也在安豐縣南杜預釋地曰二別近漢之名無緣  
乃在安豐也案地說言漢水東行觸大別之阪南與江

合則與尚書杜預相符但今不知所是矣一清按方輿紀要漢陽府

下云大別山在府城東北漢江之右一名魯山一名翼  
際山小別山在漢川縣南十里亦名龜山決水篇廬江  
雩婁縣之大別山別是一山非禹貢之大別也卷末釋  
禹貢山水澤地所在仍誤以為在安豐蓋惑于班志而

不能別  
白也

沔水與江合流又東過彭蠡澤

尚書禹貢匯澤也鄭元曰匯回也漢與江鬪轉東成其  
澤矣

又東北出居巢縣南

古巢國也湯伐桀桀奔南巢即巢澤也尚書周有巢伯  
來朝春秋文公十二年夏楚人圍巢巢羣舒國也舒叛  
故圍之永平元年漢明帝更封菑邱侯劉般為侯國也

江水自濡須口又東左會柵口水導巢湖東逕烏上城  
北又東逕南譙僑郡城南又東絕塘逕附農山北又東  
左會清溪水水出東北馬子峴之清溪也東逕清溪城  
南屈而西南流歷山西南流注柵水謂之清谿口柵水  
又東左會白石山水水發白石山西逕李鵲城南西南  
流注柵水柵水又東南積而為竇湖中有洲湖東有韓

縱山全氏曰韓縱即韓綜吳將韓  
當子事見吳書縱綜字通山上有城山北湖水

東出為後塘北湖湖南即塘也塘上有潁川僑郡故城也竇湖水東出謂之竇湖口湖水東出逕刺史山北歷韓縱山南逕流二山之閒出王武子城北城在刺史山上湖水又東逕右塘穴北為中塘塘在四水中水出格虎山北山上有虎山城有郭僧坎城水北有趙祖悅城竝故東關城也昔諸葛恪帥師作東興隄以遏巢湖傷山築城使將軍全端畱略等各以千人守之魏遣司馬昭督鎮東諸葛誕率眾攻東關三城一清按吳書諸葛恪傳云恪以建興元年十月會眾于東興更作大堤左右結山挾築兩城魏命大將胡遵諸葛誕等作浮橋度陣于隄上分兵攻兩城三嗣主傳云全端守西城畱略守東城通鑑陳大建五年遣吳明徹等北伐別將任眾軍于東關克齊東

西二城顧祖禹曰即諸葛恪所築此云三城按朱然傳云曹公出濡須然備大塢及三關屯大塢即濡須塢三關即東興關也是東興本有三城其後將毀堤遏諸軍元遜更分築兩城耳三字亦非誤也作浮梁陳於隄上分兵攻城恪遣冠軍丁奉等登塘鼓譟奮擊朱異等以水軍攻浮梁魏征東胡遵軍士爭渡梁壞投水而死者數千塘即東興堤城亦關城也柵水又東南逕高江產城南胡景略城北又東南逕張祖禧城南東南流屈而北逕鄭衛尉城西魏事已久難用取悉推舊訪新略究如此又北委折蒲浦出焉柵水又東南流注于大江謂之柵水口

又東過牛渚縣南

一清按牛渚圻名漢未嘗置縣也注云牛渚在姑孰烏江兩縣界中姑孰今當

塗縣地烏江廢縣在和州東北四十里蓋夾江南北岸也  
寰宇記太平州當塗縣下云淮南記曰吳初以周瑜屯牛  
渚晉鎮西將軍謝尚亦鎮此城而牛渚山上有采石戍在  
城西北山上之最狹處然則雖未立縣而未嘗無城也縣  
字或當作圻又東至石城縣  
亦或是城字

經所謂石城縣者即宣城郡之石城縣也牛渚在姑孰

烏江兩縣界中也於石城東北減五百許里安得逕牛

渚而方屆石城也蓋經之謬誤也一清按文選殷仲文  
南州桓公九井作詩

李善注引水經注云淮南郡之于湖縣南所謂姑孰即  
南州矣今本無之姑孰于湖今太平府當塗縣地晉咸  
和初僑置淮南郡于此九井山在龍山之南桓溫所鑿  
元興二年桓元築禪位壇于九井山北大江在西北梁  
承聖初王僧辨討侯景至姑孰景將  
侯子鑒度南州于岸挑戰即此處也

分爲二其一東北流其一又過毗陵縣北爲大江

地理志曰毗陵縣舊會稽之屬縣也丹徒縣北二百步

有故城本毘陵郡治也舊去江三里岸稍毀遂至城下

城北有揚州刺史劉繇墓淪于江江即北江也經書在

北則可又言東至餘姚則非考其逕流知經之誤矣一清

按大江不得東至餘姚入海道元證經文爲誤是矣而  
其下以分江水合爲南江以應餘姚入海之文水名已  
殊而其道亦變不特非禹貢三地理志曰江水自石城  
江之迹并班志所記亦多不合

東出逕吳國南爲南江胡氏渭曰按志以分江水繫石  
城南江繫吳縣至道元始貫穿

爲一條一清按道元依經立注誤以震澤爲南江而又  
合分江水言之謂其水得至餘姚入海也遂改竄班書  
以就已說且班志云吳故國周太伯所  
居六朝時曰吳國道元因改縣曰國也

入爲貴口東逕石城縣北晉太康元年隸宣城郡東合

大谿谿水首受江北逕其縣故城東又北入南江南江  
 又東與貴長池水合水出縣南郎山北流為貴長池池  
 水又北注于南江南江又東逕宣城之臨城縣南又東  
 合注涇水一清按漢志丹陽郡涇縣注韋昭曰涇水出蕪湖南江又東與桐水  
 合又東逕安吳縣號曰安吳谿又東旋谿水注之水出  
 陵陽山下逕陵陽縣西為旋谿水昔銓縣人陵陽子明  
 釣得白龍處後三年龍迎子明上陵陽山山去地千餘  
 丈後百餘年呼山下人令上山半與語谿中子安問子  
 明釣車所在後二十年子安死葬山下有黃鶴栖其冢  
 樹鳴常呼子安故縣取名焉晉咸康四年改曰廣陽縣

谿水又北合東谿水水出南里山北逕其縣東桑欽曰

淮水出縣之東南北入大江全氏曰按漢志丹陽郡陵

城人呼為小淮水乃東壩之上游也其水又北歷蜀由山又北左合旋谿

北逕安吳縣東晉太康元年分宛陵立縣南有落星山

山有懸水五十餘丈下為深潭潭水東北流左入旋谿

而同注南江江之北即宛陵縣界也南江又東逕寧國

縣南晉太康元年分宛陵置南江又東逕故鄣縣南安

吉縣北光和之末天下大亂此鄉保險守節漢朝嘉之

中平二年分故鄣之南鄉以為安吉縣縣南有釣頭泉

懸湧一仞乃流于川川水下合南江南江又東北為長

瀆歷湖口南江東注于具區

一清按漢志會稽郡吳縣具區澤在西揚州藪古文

震澤謂之五湖口五湖謂長蕩湖太湖射湖貴湖滬湖

也全氏曰按虞翻說無長蕩湖有洮湖謂長蕩即洮也

其謂五湖祇一太湖者張勃吳錄也朱長文續吳郡圖

經曰道元謂長蕩湖貴湖上湖滬湖與太湖而為五蓋

以射湖已與貴湖合也抑或所見之本異耶吳志云貢

中人又謂射湖游湖梅梁湖金鼎湖胥湖其名皆出于近代也今吳

貴湖即上湖郭景純江賦曰注五湖以漫漭蓋言江水

經緯五湖而苞注太湖也是以左邱明述國語曰越伐

吳戰于五湖是也又云范蠡滅吳返至五湖而辭越斯

乃太湖之兼攝通稱也虞翻曰是湖有五道故曰五湖

韋昭曰五湖今太湖也尚書謂之震澤爾雅以為具區

方員五百里

禹貢錐指曰具區五湖明是兩處而孔傳謂太湖一名震澤正義為之辭曰徐州浸

藪各異而揚州浸藪同處論其水謂之浸指其藪謂之

澤此說非也葉少蘊云凡言藪者皆人所資以為利故

曰藪以富得名而浸則但水之所鍾揚州之藪為震澤

今平望八赤震澤之間水瀾漫而極淺其蒲魚蓮芡之

利人所資者甚廣亦或可隄而為田與太湖異所以謂

之澤藪然積潦暴至無以洩之則溢而為害所以謂之

震澤黃子鴻申其義曰今土人自包山以西謂之西太

湖水始淵深自莫釐武山以東謂之南湖水極難淺蓋

即古之震澤止以上流相通後人遂混謂之太湖按此

辨周官之藪浸極其明晰班志曰在吳西亦未當孔氏

書傳鄭氏周禮注云在吳南湖有苞山春秋謂之夫椒山有洞室入地潛行北通瑯邪東武縣俗謂之洞庭旁有青山一名夏架山山有洞穴潛通洞庭山上有石鼓長丈餘鳴則有兵故吳記曰太湖有苞山在國西百餘里居者數百

家出弓弩材旁有小山山有石穴南通洞庭深遠莫知  
 所極三苗之國左洞庭右彭蠡今宮亭湖也太湖之  
 洞庭對彭蠡則左右可知也余按二湖俱以洞庭為目  
 者亦分為左右也但以趣矚為方耳既據三苗宜以湘  
 江為正是以郭景純之江賦云爰有苞山洞庭巴陵地  
 道潛達侑通幽岫窈窕朱彝尊詩話云吳有洞庭山名也楚有洞庭湖名也郭景純云  
吳有苞山洞庭巴陵地道潛達侑通幽岫窈窕蓋謂君  
山有石穴通吳之包山故包山亦以洞庭名鄜善長注  
水經二湖俱以洞庭為目誤也一清按善長未嘗以吳  
之洞庭為即楚之洞庭吳中之山曰洞庭故湖亦即其  
稱既有斯名不可得而  
沒也朱氏蓋未之審耳  
 山海經曰浮玉之山北望具區  
 茗水出于其陰北流注于具區謝康樂云山海經浮玉

之山在句餘東五里一清按山海經文是又東五百里不云在句餘東五里謝誤引或五

下脫百便是句餘縣之東山乃應入海具區一清按此二字誤疑

作句今在餘姚鳥道山西北何由北望具區也以為郭

于地理甚昧矣一清按全氏曰是蓋以南江當具區然則其川三江而說者又以此水當之何

也吳任臣山海經廣注曰謝言山水微與今時不合未足為據也唐子霞云天目山一名浮玉山與山海經所記句餘道里不差于北望具區  
 言洞庭南口有羅浮山

高三千六百丈浮山東石樓下有兩石鼓扣之清越所

謂神鉦者事備羅浮山記會稽山宜直湖南又有山

陰谿水入焉山陰縣西四十里有二谿一清按此處何以闌入山陰縣

山陰隔越浙江之東茗水在其西鄞以山陰谿水即茗水則具區山之陰所出之水也行間斷爛後人見上有

山陰二字即填入縣字而水道不可問矣

東谿廣一丈九尺冬煖夏冷西谿

廣三丈五尺冬冷夏煖二谿北出行三里至徐村合成

一谿廣五丈餘而溫涼又雜蓋山海經所謂茗水也北

逕羅浮山而下注于太湖故言出其陰入于具區也湖

中有大雷小雷三山亦謂之三山湖又謂之洞庭湖楊

泉五湖賦曰頭首無錫足蹠松江負烏程于背上懷太

湖以當胸峯巒崔巍穹窿紆曲大雷小雷湍波相逐用

言湖之苞極也太湖之東吳國西十八里有峯嶺山俗

說此山本在太湖中禹治水移進近吳又東及西南有

兩小山皆有石如卷笮俗云禹所開牽山也太湖中有

淺地長老云是笮嶺山蹠自此以東差深言是牽山之

溝此山去太湖三十餘里

董氏斯張廣博物志曰水經注太湖中穹窿山有銅關今

本無之全氏曰自潛通瑯琊以下皆襲山海經無稽之言而更廣為傳會

東則松江出焉上

承太湖更逕笠澤在吳南松江左右也國語曰越伐吳

吳禦之笠澤越軍江南吳軍江北者也虞氏曰松江北

去吳國南五十里江側有丞胥二山山各有廟魯哀公

十三年越使二大夫疇無餘謳陽等伐吳吳人敗之獲

二大夫大夫死故立廟于山上號曰丞胥二王也胥山

上今有壇石長老云胥神所治也下有九折路南出太

湖闔闔造以遊姑胥之臺以望太湖也松江自湖東北



流逕七十里江水奇分謂之三江口

禹貢雖指曰南江既入太湖而東為

松江則無更從餘姚入海之理道元曲為此說以應漢志南江在南之文

吳越春秋稱范蠡

去越乘舟出三江之口入五湖之中者也此亦別為三

江五湖雖稱

一清按下有脫字

相亂不與職方同庾仲初揚都

賦注曰今太湖東注為松江下七十里有水口分流東

北入海為婁江東南入海為東江與松江而三此非禹

貢之三江也

一清按明此可以辨正蔡九峯書傳之繆

吳記曰一江東南行

七十里入小湖為次谿自湖東南出謂之谷水吳記曰

谷水出吳小湖逕由卷縣故城下神異傳曰由卷縣秦

時長水縣也始皇時縣有童謠城門當有血城陷沒為

湖有老嫗聞之憂懼且往窺城門門將欲縛之嫗言其

故嫗去後門將煞犬以血塗門嫗又往見血走去不敢

顧忽有大水長欲沒縣主簿令幹入白令令見幹曰何

忽作魚幹又曰明府亦作魚遂乃淪陷為谷矣因目長

水城水曰谷水也吳記曰谷中有城故由卷縣治也即

吳之柴辟亭故就李鄉樵李之地秦始皇惡其勢王令

囚徒十餘萬人汗其土表以汗惡名改曰囚卷亦曰由

卷也吳黃龍四年有嘉禾生卷縣改曰禾興

一清按吳書孫權傳

黃龍三年夏由拳野稻自生改為禾興冬十二月丁卯大赦改明年元也則是嘉禾改元定在三年之冬此云

四年字

後太子諱和改為嘉興春秋之樵李城也谷水

又東南逕嘉興縣城西谷水又東南逕鹽官縣故城南  
 舊吳海昌都尉治晉太康中分嘉興立太康地道記吳  
 有鹽官縣樂資九州志曰縣有秦逕山秦始皇逕此美  
 人死葬于山上山下有美人廟谷水之右有馬罽城故  
 司鹽都尉城吳王濞煮海為鹽于此縣也是以漢書地  
 理志曰縣有鹽官東出五十里有武原鄉故越地也秦  
 于其地置海鹽縣地理志曰縣故武原鄉也後縣淪為  
 柘湖又徙治武原鄉改曰武原縣王莽名之展武漢安  
 帝時武原之地又淪為湖今之當湖也後乃移此  
 昭補註郡國志曰今計借簿海鹽縣之故治順帝時  
 陷而為湖今謂為當湖大旱湖竭城郭之處可識

按劉清

南有秦望山秦始皇所登以望東海故山得其名焉谷  
 水於縣出為澈浦以通巨海光熙元年有毛民三人集

於縣蓋汎於風也禹貢雖指曰禹貢三江之不明誤自

南東入海毘陵縣下云北江在北東入海丹陽縣在  
 下云中江出西南東至陽羨入海皆揚州川也蓋北江  
 為經流至江都入海中江由吳松入海南江合浙江入  
 海皆北江之枝瀆也導水明言漢自彭蠡東為北江以  
 自彭蠡東為中江誠如班氏所言則蕪湖之中江何以  
 知為江水之所分毘陵之北江何以定為漢水之所獨  
 乎以此當禹貢三江之二雖愚者亦知其非矣又曰漢  
 志丹陽石城縣下云分江水首受江東至餘姚入海過  
 郡二行千二百里此即南江之源委過郡二謂丹陽會  
 稽也其在吳縣南者即吳松江乃中江之下流班氏不  
 知分江水至餘姚入海者即古之南江遂誤以松江當  
 之耳今按大江自西南來至石城枝分為分江水至餘  
 姚入海又東北流至蕪湖枝分為永陽江由吳松入海  
 其經流則東逕毘陵至江都入海毘陵江都最北故謂

之北江石城餘姚最南故謂之南江蕪湖吳縣居二江之中故謂之中江雖與禹貢導江之義不合而辨方命之名次第秩然與郭景純之松江浙江源異而流則同也蓋中江貫震澤松江即其下流不得復析為南江南江首受石城之入海者其正流也鄴元恐違漢志反以歷鳥程縣南者為支流而中江盡于荆溪南江即吳松矣非古人命名之本意也一清按禹貢以漾漢觸大別南入于江東匯澤為彭蠡東為北江既入揚州之水已治而大為中江而不言南江但三江既入揚州之水已治而大別則在荆域于是班固疑之別著三江之道以為南江在吳南水經更以震澤當之而又無中江之名遂與經異蓋水經所謂江至石城縣分為二其一東北流者中江也其一過毘陵縣為大江酈以江北江釋之其下又以南江當之以其在毘陵縣之北故名之曰北江而東至餘姚入海則仍是南江水道故以經文大江二字為誤中江水見江篇而今亡矣東樵云北江為經流中江由吳松入海南江合浙江入海今據班志而言實則班志蜀郡湔氏道下云禹貢嶧山在西徼外江水所出東南至江都入海而廣陵國江都下急著江水祠以應

之及于臨淮郡海陵下復云有江海會祠以明之海陵江都非揚域乎非中江入海之道乎其于會稽郡之吳毘陵丹陽郡之蕪湖雖列南北中之名而無禹貢字則亦可知是秦漢以來現行之川作志者自不關禹迹也後人乃欲據志以釋經反謂志與經不合則亦誣矣水經本班志以立文然班志石城之分江水自是分中江之水而別為一支者至道元始名為南江故云水名已殊非班固所謂南江也大氏多衰周時以人力為之而非天地自然節宣之氣可比南江至餘姚與浙江合又于餘暨東與浦陽合由太湖長瀆口上通臨平湖而東合浙江之柳浦今其水道多不可問後之釋水者宜無取于此卷也

又東至會稽餘姚縣東入于海

謝靈運云具區在餘姚然則餘暨是餘姚之別名也全氏

曰按餘暨今之蕭山也今餘暨之南餘姚西北浙江與如何以為餘姚之別名

浦陽江同會歸海但水名已殊非班固所謂南江也郭

景純曰三江者岷江松江浙江也隋書經籍志水經三卷郭璞撰今失傳

然浙江出南蠻中不與岷江同作者述誌多言江水至

山陰為浙江今南江枝分歷烏程縣南通餘杭縣禹貢錐指

曰餘杭乃姚字之誤則與浙江合故闕駟十三州志曰江水至會

稽與浙江合禹貢錐指曰班固所謂南江者實松江也

江水經謂之南江者也或以為北江大繆酈道元篤

信班固故不能無疑于此又曰江水自湖口以東歷烏

程縣南通餘姚與浙江合者其故道亦無可考蓋從烏

程南以東達于餘姚則必經歸安德清石門界中至海

寧由浙江以入海海寧地獨高境內諸水皆北流故宋

元嘉及梁大通中以滬瀆不通嘗欲穿渠引吳興之水

以瀉浙江而功卒不立蓋水性就下地勢有所阻也南

江必衰周時吳越以人力為之易致壅塞歷世久遠不

可得詳一清按東樵之言非也以松江為南江正是酈

注今混作經道元何嘗有疑于此乎且南江與浙江合

由太湖長瀆口上通臨平湖以合浙江自有纏絡何必

載之高地乎通鑑唐乾寧二年楊行密遣安仁義以舟

師至湖州欲渡江應董昌錢鏐遣顧全武守西陵仁義

不得渡胡三省曰自湖州舟行入柳浦可渡西陵又柳

浦即今浙江亭東跨浦橋之浦也劉昫唐書曰隋于餘

杭縣置杭州又自餘杭徒治錢唐又移于柳浦今州城

是又曰柳浦埭即今杭州江干浙江亭浙江自臨平湖

南通浦陽江湖南通浦陽江乎此文容有錯繆又於

餘暨東合浦陽江自秦望分派東至餘姚縣又為江也

東與車箱水合水出車箱山乘高瀑布四十餘丈雖有

水旱而澍無增減江水又東逕黃橋下臨江有漢蜀郡

太守黃昌宅橋本昌創建也昌為州書佐妻遇賊相失

後會於蜀復修舊好江水又東逕赭山南虞翻嘗登此

山四望誠子孫可居江北世有祿位居江南則不昌也  
 然住江北者相繼代興時在江南者輒多淪替仲翔之  
 言為有徵矣江水又逕官倉倉即日南太守虞國舊宅  
 號曰西虞以其兄光居縣東故也是地即其雙雁送故  
 處一清按寰宇記雙雁棲墓事謂是虞歆即翻之父亦嘗為日南太守此用孔奕會稽志作虞國而寰宇記鄒縣下又引郡國志作陳國蓋陳虞同姓陳國即虞國也江水又東逕餘姚縣故城  
 南縣城是吳將朱然所築也南臨江津北背巨海夫子  
 所謂滄海浩浩萬里之淵也縣西去會稽一百四十里  
 因其句餘山以名縣山在餘姚之南句章之北也江水  
 又東逕穴湖塘湖水沃其一縣竝為良疇矣江水又東

注于海是所謂三江者也故子胥曰吳越之國三江環  
 之民無所移矣但東南地卑萬流所湊濤湖泛決觸地  
 成川枝津交渠世家分駭故川舊瀆難以取悉雖粗依  
 縣地緝綜所纏亦未必一得其實也一清按此篇經注多脫誤容有後人附益之辭讀者審之

水經注釋卷二十八終

泗水出於

三

泗水出於嶧山東南出於其南流於魯國

泗水出於嶧山東南出於其南流於魯國

泗水出於嶧山東南出於其南流於魯國

泗水出於嶧山東南出於其南流於魯國

泗水出於嶧山東南出於其南流於魯國

泗水出於嶧山東南出於其南流於魯國

泗水出於嶧山東南出於其南流於魯國

泗水出於嶧山東南出於其南流於魯國

卷之七